

Josué

Ni amatapohuali quihuica itoca Josué cati Moisés quitequimacac para elis tayacanquet quema yaya miquis. Techpohuilía cati panotiyajqui ica nopa israelitame quema ya mictoya Moisés, huan quenicitza Josué quinyacanqui para calaquise huan moaxcatise nopa tali Canaán. Quiixcotonque hueyat Jordán huan TOTECO quitahuiso nopa tepamit cati quitzacuayaya altepet Jericó para nopa israelitame huelque calaquise pampa ini-juanti quineltocaque. Teipa moaxcatijque miyac altepeme ica itapalehuil TOTECO. Nopa versículo ipan Josué cati más masehualme quimatij eltoc Josué 24:15: “Xijtapestpenica ama ni tonal ajquia anquihueyichihuase ... pero na huan nochí nochampoyohua tijte-quipanose TOTECO.”

Josué quiipyia macuili partes:

Josué 1—12 Israelitame quitanque tali Canaán.

Josué 13—21 Quixelojque nopa tali Canaán ica nochí 12 huejhueyi familias.

Josué 22 Nopa familias cati quipixque ininchaj ica campa hualquisa tonati ten hueyat Jordán tacuepilijque inintal.

Josué 23 Josué quinnahuatijtehua.

Josué 24 Quiompahuáj nopa camanal sencahualli ipan Siquem.

TOTECO quinojnotzqui Josué

1 Moisés, itequipanojca TOTECO mijqui, huan TOTECO quinojnotzqui Josué, itelpoca Nun, cati ipa quipalehuiyaya Moisés huan quiilhui:

2 “Ya mijqui notequipanojca Moisés. Huajca ama monequi para ta inihuaya nochí ni masehualme ximocualtalica huan xiquixcotonaca ni hueyat Jordán para anyase ipan nopa tali cati nimechmacas. 3 Huan na nimechmacas nochí nopa tali cati ipan annejnentiyase quej ihuaya nimocajqui Moisés para nijchi-huas. 4 Nimechmacas nopa tali cati pehuela ipan huactoc tali ica sur huan onajsi ica norte hasta nopa tepet Líbano. Cam- pa temo tonati nopa tali pehua ipan no- pa hueyi at Mediterráneo huan yahui hasta nopa hueyi hueyat Eufrates. Que- na, nochí inintal nopa heteo masehual- me elis amoaxca. 5 Amo aquí huelis mitz- tanis ipan nochí monemilis. Na niitztos

mohuaya quej niitztoya ihuaya Moisés. Amo quema nimitzcajtehuas, yon amo nimitztahuelcahuas. 6 Ximoyolteli huan ximoyolchicahua pampa ta tiquin- yacanas ni masehualme para tiquinaxca- tis nopa tali cati inihuaya nimocajqui inihuejcapan tatahua para niquinmacas- quía. 7 San ximoyolteli huan ximoyol- chicahua. Ximomocuitahui para tijchi- huas nochí nopa tanahuatilme cati note- quipanojca Moisés mitzmacatejqui. Huan sintia tijchihuas nochí quej cati el- toc ipan nopa tanahuatilme, huajca nochí cati tijchihuas quisas cuali. 8 Amo quema xijcahua xiquinelnamiquiltjtine- mi israelitame cati quijitohua nopa amata- pohuali cati quiipyia notanahuatil. Xi- moilhuijtinemi ten notanahuatil tonaya huan tayohua para huelis tijchihuas nochí cati quijitohua. Quej nopa tinejnemis ica talnamiquilisti huan nochí cati tijchi- huas quisas cuali. 9 Pero nimitznahuatí

ximoyoltetili huan ximoyolchicahua. Amo ximajmahui, yon amo ximocueso, pampa na, nimoTECO Dios, niitztos mo-huaya campa hueli campa tinentine-mis.”

Josué mocualtali para quitanise nopa tali

10 Huajca Josué quinnahuati nochí catí quinyacanayayaj nopa masehualme: **11** “Xiyaca ipan nochí yoyon calme huan xiquinnahuatica nochí israelitame ma qui-chihuaca tacualisti, pampa ica eyi tonati tiquixcotonase ni hueyat Jordán para ti-moaxcatise nopa tali catí TOTECO Dios techmacas.”

12 Nojquiya Josué quincamanalhui ite-ipan ixhuihua Rubén, Gad huan nopa tajco ite-ipan ixhuihua Manasés huan quinilhui:

13-14 —Xiquelnamiquica catí amechna-huati Moisés, itequipanojca TOTECO. TO-TECO Dios amechmacatoc ni tali ipan ni inaliyo hueyat Jordán para nica huelis an-mosiyajquetzase. Huan anquincajtehuase amosihuajhua, amocone-hua huan amota-piyalhua nica, pero nochí amosoldados monequi quipanose ni hueyat ica inintepos mocualtalijtose para tatehuise. Inijuanti quinyacanase huan quinpalehuise iniicnihua para quitanise nopa tali. **15** Huan amosoldados tatehuise nopena ipan seyoc inaliyo hasta quema TOTECO techpalehuis ma tijtanica nopa tali campa ne sequinoc israelitame huelise mosiyaj-quetzase. Teipa anhualase nica ipan amo-tal ipan ni inaliyo Jordán para campa qui-sa tonati huan ya anitzose ica paquiliti ipan ni amotal catí amechmacac Moisés, itequipanojca TOTECO.

16 Huan inijuanti tananquilijke:

—Tijchihuase nochí catí technahuatij-to, huan campa techtitani, nopena tiyase. **17** Quej tijneltoquilijke Moisés nochí catí technahuati, nojquiya nochipa timitz-neltoquilise. San tijnequij para TOTECO Dios catí tijtequipanohuaj ma yahui mo-huaya quej ihuaya yajqui Moisés. **18** Sinta se acayja amo quinequi quichihuas catí ta tijnahuatlis, tijmictise. San ximoyolchicahua huan ximoyoltetili.

Josué quintitanqui tacame ma quiitatij Jericó

2 Teipa Josué quinnahuati ome israel-itame ma quisaca ipan Sitim campa itztoyaj huan ixtacatzi ma yaca para qui-itatij quenicitza eltoc nopa tali Jericó. Quinilhui: “Xiyaca xijtajtachilitij nopa tali huan nopa altepet Jericó.”

Huan nopa ome tacame yajque Jericó huan ajsitoj ipan se cali campa cochij pa-xalohuani. Huan nopa cali eliyaya iaxca se ahuilnenca sihuat catí itoca Rahab huan nopena mocajque. **2** Pero se acayja quiyol-melahuato nopa tanahuatijquet ipan Jericó para ajsitoyaj sequij israelitame nopa tayohua para quitachilise nopa tali.

3 Huajca nopa tanahuatijquet tatitan-qui ma quiilhuitij Rahab:

—Techmaca nopa tacame catí itztoque ipan mochaj, pampa hualajoque para qui-tachilise quenicitza huelis quitanise toal-tepe.

4 Pero nopa sihuat ya quintatijtoya no-pa tacame huan huajea quiijo:

—Melahuac sequij tacame techpaxalo-coj, pero amo njimati canque ehuanij. **5** Huan quema tayohuixqui, ipan nopa ho-ra para quitzacuase nopa caltemit ipan no-pa tepamit catí quiyahualtzactoc toaltepe, inijuanti yajque. Huan amo njimati canica yajtoque. Pero sintia nimantzi anquito-quilise, huelis anquinajsiti.

6 Pero nelía nopa sihuat quinchihaultij-toya ma tejcoc calcuitapa huan quintatij-toya itantita ome tamontomit ten lino icuayo catí quihuatzayaya.

7 Huan nopa tacame catí nopa tanahuatijquet quintitantoya quintemojtiyajque nopa ome tacame ipan nopa ojti catí ajsi hueyat Jordán campa masehualme hueli quixcotonase. **8** Huan teipa quema ayemo cochiyayaj nopa tacame catí yajque quita-chilitoj nopa tali, Rahab tejcoc calcuitapa huan quinilhui:

9 —Na njimati Dios amechmacatoc ni tali pampa yaya quichijtoc para nochí to-tal ehuani ma amechimacasica. Melahuac nochí catí itztoque nica ya majmajcamiquij por amojuanti. **10** Tijcactoque queni-catza Dios amechhuachili nopa at ipan no-

pa Hueyi At Chichiltic para huelqui anquixcotonque quema anquisque tali Egipto. Nojquiya tijcactoque quenicitza anquintzontamiltijque Sehón huan Og, nopa ome inintanahuatijcahua amorreos cati itzto-yaj ipan nopa seyoc inaliyo hueyat Jordán. ¹¹ Huan quema tijcajque nochí ya ni, nelía timajmajque hasta amo aqui motemaca para amechtehuis, pampa Dios, amoTECO, yaya quinahuatía ilhuicac huan taltipacti. ¹² Yeca na nimechtajtánia chihuac, xijtestigojquetzaca amoTECO para antechchihuilise cati cuali, na huan nochí noteixmatcahua, quej na nimechchihuilijtoc. Techilhuica para melahuac ¹³ antechmanahuise, na ica notata, nonana, notaca icnihua huan nosihua icnihua huan nochí cati toaxcahua para amo timiquise.

¹⁴ Huan tananquilijke:


—Timechmanahuise sintia techmanahuis huan amo aqui tiquilhuis ten tojuanti. Quena, sintia amo techcajcahuas, timitzchihuilise cati cuali huan cati xitahuac quema TOTECO techmacas ni tali.

¹⁵ Huan ichaj Rahab eltoya ipan nopa hueyi tepamit cati quiyahualojtoya nopa altepet. Huajca ica se hueyi lazo Rahab quintemohui nopa israelitame ipan se ieventana nopa tepamit. ¹⁶ Huan Rahab quinilhui:

—Xiyaca ipan tepeme para amo amech pantise nopa tacame cati amechtemohuaj. Ximotatica nopona para eyi tonati hasta ini juanti sempa hualase. Teipa huelis anyase.

¹⁷ Huan quinanquilijke:

—Tojuanti tijchihuase cati tijtestigojquetzque, pero amo elis totajtacol sintia timquis sintia amo techneltoca. ¹⁸ Huajca quema tijcaquis para tojuanti ticalacti-hualahui ipan ni tali, xijhuiyoní ni hueyi lazo chichiltic ipan moventana cati ica techtemohuijtoc huan xiquinsentili nica calijitic motata, monana, moicnhua huan nochí ininteixmatcahua. ¹⁹ Sinta se quisas, elis itajtacol sintia miquis. Pero sintia acayja quinajsis cati itztoque ipan ni mochaj, huajca elis tojuanti totajtacol. ²⁰ Pero sintia tiquinilhuis sequinoc ten ni tamanti, tojuanti ayecmo monequi tijchihuase cati timitzilhuijque huan tijtestigojquetzque TOTECO para timitzchihuilise.



Ica se mecat, quintemohui nopa tacame ipan se ventana ipan nopa tepamit.

²¹ —Cualtitoc, quej nopa timocahuaj —tananolili Rahab.

Huajca momanahuatijque huan yajque. Teipa nopa sihuat quihuiyoní nopa hueyi lazo chichiltic ipan ieventana.

²² Huan nopa ome tacame yajque ipan tepeme huan nopona motatijque para eyi tonati hasta nopa soldados cati quintemohuayayaj campa hueli ipan nopa ojti sempa yajque altepet Jericó pampa amo quinapantijque. ²³ Huajca teipa nopa ome tacame temoque ten nopa tepeme huan pano-

que hueyat Jordán huan ajsitej campa itztoya Josué itelpoca Nun huan quipohuilijque nochí cati panotoya. ²⁴Huan quiuhuijque Josué: “TOTECO quitalijtoc toma-co nochí nopa tali pampa nochí cati itztoc que ipan nopa tali ya majmajcamiquij por tojuanti.”

Nopa israelitame quiixcotonque hueyat Jordán

3 Tonili nelcualca Josué ihuaya nochí nopa israelitame quisque Sitim, huan ajsitej hueyat Jordán huan tonilijque nopena. ²Huan quema ya panotoyaj eyi tonati nopena iteno nopa hueyat, nopa taya-canani panotinenque campa nochí nopa israelitame, ³huan quinnahuatijque cati monequi quichihuase. Quinilhuijque: “Xiquintachilica nopa levita totajtzitzí cati quipiyaj inintequi para quihuicase icaxa TOTECO Dios cati quipiya cati tohuaya mocajtoc. Huan quema anquinitase quis-tehuase, huajca xiquisaca huan xiquinto-quilica. ⁴Quej nopa anquimatise canica monequi anyase, pampa amo quema anpanotoque ipan nopa ojti hasta ama. Pero amo xijnechcahuica icaxa TOTECO. San xijhuejcaitziyaca quej se kilómetro ihuej-caca.”

⁵Huan Josué quinilhui: “Ximaltica huan ximoyolpajpacaca iixpa TOTECO quej amechilhuijtoc para ximoiyocatalica para ya, pampa mosta TOTECO quichihuas huejhueyi tamanti amoixpa ica cati san anquitachilise.”

⁶Huan Josué quinnatzqui nopa totajtzitzí huan quinilhui: “Xijhuicaca icaxa TOTECO cati quipiya cati tohuaya mocajtoc huan techyacanaca para ancalaquise ipan ni hueyat.”

Huajca nopa totajtzitzí quiuechpano-que nopa caxa huan quinyacanque nopa masehualme. ⁷Huan TOTECO quiilhui Josué: “Ni tonali nipehuas nimitzhueyitalis iniiipa nochí israelitame. Quej nopa qui-itase para temachti na niitztoc mohuaya quej niitztoya ihuaya Moisés. ⁸Huan xi-quinnahuati nopa totajtzitzí cati quihuicaj nopa caxa para quema ajsitej iteno nopa hueyat Jordán, ma calaqua huan ma nej-

nemica se quentzi. Huan teipa ma moque-tzaca nopena ipan nopa hueyat.”

⁹Huajca Josué quinilhui nopa israelitame: “Xihualaca huan xijtacaquilita cati quiijtohua TOTECO Dios cati tijtequipanohuaj. ¹⁰Ama anquuitase para Toteco Dios cati itztoc, nelía itztoc amohuaya, huan yaya quinijcuenijtiyas amoixpa nochí nopa cananeos, hititame, heveos, ferezeos, gergeseos, amo-reos huan jebuseos. Huan quej ni anquimatise. ¹¹Icaxa Toteco, yaya nopa Dios cati quinahuatía nochí taltipacti ama quiixcotonas nopa hueyat Jordán amoixpa. ¹²Huajca xiquintapejpenica 12 tacame, se ten sesen hueyi familia. ¹³Huan quema calaquis atita inicxi nopa totajtzitzí cati quihuicaj icaxa TOTECO huan inijuanti moquetzase ipan nopa hueyat, ipan nopa talojtzi nopa at moxelos. Huan nopa at cati huala ica huejcapa ayecmo motalos. San mosejcotilis huan mo-chihuas se tamontomit pampa nopa caxa iaxca TOTECO, yaya cati quinahuatía nochí taltipacti.”

¹⁴Huajca nopa israelitame quisque pa-ra quiixcotonase nopa hueyat Jordán, huan nopa totajtzitzí tayacantiyahuiyaj ica nopa caxa cati quipixqui cati inihuaya mocajqui TOTECO. ¹⁵Huan elqui ipan nopa tonali para pixquisti quema nopa hueyat Jordán tatemic miyac. Huan quema



Totajtzitzí quihuicayayaj nopa caxa para quiixcotonase hueyat Jordán.

nopa totajtzitzí calajque ipan nopa hueyat huan mometzxolonijque,¹⁶ nopa at cati hualayaya ica huejcapa ayecmo matalo. San sejco momanqui nopa at hasta nesiyaya huejcapantic quej se hueyi tepamit. Momanqui nopa at huejca ten nopa israelitame. Momanqui nopona nechca altepet Adam huan ajsic hasta altepet Saretán. Huan nopa at cati quinpanoc huan temoyaya para hueyi at cati itoca Mictoc temoyajqui hasta ayecmo nesqui. Quej nopa moxelo nopa at ipan hueyat Jordán, huan nopa israelitame quiixcotonque iixmelac altepet Jericó.¹⁷ Huan nopa totajtzitzí cati quihuicayayaj icaxa TOTECO moquetzque tatajco hueyat Jordán ipan tali cati huactoc hasta nochí nopa sequinoc israelitame quiixcotonque nopa hueyat.

**Se temontomit para teelnamiquiltis
cati TOTECO quichijqui**

4 Nochí nopa masehualme quiixcotonque hueyat Jordán, huan teipa TOTECO quiilhui Josué:² “Xiquintapejpení 12 tacame ten nopa israelitame, sesen ten sesen nopa huejhueyi familias.³ Huan xiquinlhui ma quiqxistica 12 teme cati eltoc tatajco nopa hueyat nechca campa ijcatoque nopa totajtzitzí. Huan ma quihuicaca huan ma quitalica campa mosiyajquetzase ni yohuali.”

⁴Huajca Josué quinnnotzqui nopa 12 tacame cati quintapejpenijtoya ten sesen nopa huejhueyi familias,⁵ huan quinlhui: “Xicalaquica ipan nopa hueyat hasta tatajco campa eltoc icaxa TOTECO Dios. Huan sese ten amojuanti xijquechpanotij se tet huan xijhualicaca nica. Monequi 12 tet quej inimiyaca itelpocahua tohuejcapa tata Israel ica cati pejqui nopa 12 huejhueyi familias.⁶ Huan ni teme elis quej se tanextili para amojuanti. Huan teipa quema amoconehua amechatzintoquilise: ‘¿Taya quiijtosnequi ni teme?’,⁷ anquinnanquilise: ‘Quema nopa tacame cati quihuicayayaj icaxa TOTECO tayacantiyajque para calaquise ipan hueyat Jordán, nopa at moxelo. Huajca ni teme mocahua quej se tanextilicayot para nochí israelitame ma quelnamiquica ten panoc ipan nopa tonali.’”

⁸Huajca nopa tacame quichijque cati Josué quinnahuatijtoya. Quicuique 12 teme ten Jordán quej imiyaca nopa huejhueyi familias ten israelitame. Huan quihuicaque campa mosiyajquetzaj nochí nopa israelitame huan nopona quinquetzque quej TOTECO quiilhuijtoya Josué.⁹ Nojquiya Josué quiquetzqui seyoc 12 teme ipan nopa hueyat campa ijcatoyaj nopa totajtzitzí cati quihuicayayaj icaxa TOTECO. Huan nopa teme noja eltoc hasta ama.

¹⁰Huan nopa totajtzitzí cati quihuicayayaj icaxa TOTECO mocajque tatajco hueyat Jordán hasta quema nopa israelitame tanque quichihuaj nochí cati TOTECO quiñahuatijtoya Josué para ma quinlhui nopa israelitame ma quichihuaca, huan nojquiya cati Moisés quinahuatijtoya Josué ma quichihua.

Huan nopa israelitame moisihuiltique para panose.¹¹ Huan quema nochí nopa israelitame ajsique ne seyoc inaliyo nopa hueyat, nopa totajtzitzí ica icaxa TOTECO quiixcotonque iniixpa nochí nopa masehualme.¹²⁻¹³ Huan nechca 20 mil soldados cati hualajque ten nopa huejhueyi familias Rubén, Gad huan ten tajco nopa hueyi familia Manasés nojquiya panoque iniixpa nochí nopa israelitame. Huan inijuanti mocualtalijtoyaj para tatehuise huan quihuicayayaj inintepos quej Moisés quinahuatijtoya. Huan panoque iixpa TOTECO huan yajque ipan nopa tamayamit nechca altepet Jericó.¹⁴ Huan ipan nopa tonali TOTECO quihueytali Josué iniixpa nopa israelitame, huan yeca quitepanitaque Josué nochí inemilis san se quej quitepanitaque Moisés ipan nochí inemilis.

¹⁵Teipa TOTECO quiilhui Josué:¹⁶ “Xi-quinnahuati nopa totajtzitzí cati quihuicayayaj caxa ica cati amohuaya nimocajtoc para ma quisaca ipan nopa hueyat Jordán huan ma tejecoca campa tiitztoc.”

¹⁷Huan Josué quinnahuati ma tejecoca,¹⁸ huan nimantzi quema nopa totajtzitzí cati quihuicayayaj caxa TOTECO quisque ipan nopa hueyat huan moquetzque ipan tali huactoc ipan ni inaliyo, nopa at ipan nopa hueyat sempa mosentili quej achtohui eltoya huan sempa tatemic miyac.

**Nopa teme para teelnamiquilts
ipan Gilgal**

19 Huan nopa israelitame tejcoque ten hueyat Jordán ipan majtacti itequi nopa achtohui metzti ipan inixihui. Huan qui-quetzque iniyoyoncal nechca Gilgal iix-melac Jericó ica campa quisa tonati. **20** Huan ipan Gilgal Josué quinquetzqui nopa 12 teme cati quihuicalaque ten hueyat Jordán, **21** huan quinilhui nopa israelitame: “Mosta huicta quema amoconehua cati tacajtiyase amechtatzintoquilise: ‘¿Taya quijitosnequi ni teme?’, **22** xiquinpohuilica para ni teme techelnamiquiltá para tiisraelitame tipanoque ni hueyat Jordán ipan tali huactoc. **23** Pampa TOTECO Dios quihuatzqui nopa at hasta nochí tipanoque san se quej quihuatzqui nopa Hueyi At Chichiltic hasta tipanoque. **24** Quena, xiquinpohuilica taya quinequi quijitos ni teme para nochí masehualme ipan ni taltipacti ma quimatica TOTECO Dios quiipyi hueyi chicahualisti huan para amojuanti nochipa xijhueyitepanitaca.”

**TOTECO quinchihuili israelitame
se tiochicahualnescayot**

5 Huan quicajque cati TOTECO quinchihuili nopa israelitame nochí nopa tanahuatiani ten nopa amorreos cati itztoyaj ipan ni inaliyo Jordán campa temo tonati huan nochí nopa tanahuatiani ten cananeos cati itztoyaj nechca hueyi at. Qui- cajque quenicatza TOTECO quihuatzqui nopa hueyat Jordán hasta nopa israelitame quiixcotonque. Huan yeca nochí maj-mahuiyayaj huan huihuipicayayaj hasta amo aqui motemacac quintehuiti.

**Sempa tetequiliáj
nopa machiyot circuncisión**

2 Huan TOTECO quiilhui Josué: “Xijchihua cuchiyyos ten tet, huan sempa xiquinpanolti nochí israelita tacame huan oquichpilme huan xiquintzonterequili iyecapa cuetaxo intintacayo sinta ayemo qui-chijtoque. Xijchihua san se quej anquichijque achtohuiya.”

3 Huan Josué quichijqui cuchiyyos huan quintequili iyecapa cuetaxo intintacayo

nochí oquichpilme huan taca israelitame ipan se tachiquili cati quitocaxtijque Ara-lot. (Aralot quijitosnequi Tachiquili Ten Nopa Cuetaxti Cati Tetequiliyque.) **4-6** Quema achtohuiya quisque ipan tali Egipto, nochí oquichpilme huan taca israelitame ya motequiliytoyaj. Pero teipa mo-nejque nejnemise 20 xihuit ipan nopa huactoc tali campa amo teno onca hasta mijque senquisa nochí nopa tacame cati quisque ipan tali Egipto huan quipixque xihuit para tatehuitij, pero amo quinejque yase. Huan nopa oquichpilme cati tacajti-hualajque ipan nopa huactoc tali amo quintequiliytoyaj. Inintatahua mijque pampa amo quinejque quineltocase TOTECO yon amo quinejque calaquise ipan nopa tali cati nochí temaca hasta mocahua itajca. Yeca TOTECO amo quincahuili nopa tacame ma quiitaca nopa cuali tali cati inihuaya mocajtoya inihuejcpapan tatahua para quinmacas. **7** Huajca Josué quintequili iyecapa cuetaxo intintacayo nochí tacame huan oquichpilme cati tacatque ipan nopa huactoc tali pampa inintatahua cati mijque amo quintequiliytoyaj. Huan ama TOTECO quincahuilia ma cala-quica ipan nopa tali quej ininpataka inintatahua cati amo quinequiyayaj. **8** Huan quema ya tantoyaj quintequiliáj nopa machiyot ipan nochí taca israelitame, mocajque nopona campa itztoyaj hasta mochicajque huan ayecmo cuajcualohuayaya inintacayo.

9 Huan huajca TOTECO quiilhui Josué: “Ama, pampa anmotequiliytoque iyecapa cuetaxo amotacayohua, nimechquixtilij-toc nopa pinahualisti cati anquipixque ipan tali Egipto.” Huajca quitocaxti Gilgal campa itztoyaj. (Gilgal quijitosnequi Qui-quixti.) Huan quej nopa itoca hasta ama.

10 Huajca quema nopa israelitame noja mocahuayayaj ipan Gilgal ipan nopa tamayamit nechca altepet Jericó, ilhuichijque para quinescayotijque nopa Pascua Ilhuit ica tiotac ipan **14** itequi nopa metzti. **11** Huan tonili quicuajque cati quipantiyayaj ten itajca nopa tali huan quichijque pantzi cati amo quipiyayaya tasonejgayot huan quicuajque cuayoli tacacatzoli. **12** Huan

ipan seyoc tonali quema ya quicuajtoyaj itajca nopa tali, ayecmo huetzqui maná. Huajca nopa israelitame ayecmo quema quipixque maná para quicuase. Ipan nopa xihuit san quicuajque nopa pixquisti cati quipantijinemiyayaj ipan tali Canaán.

TOTECO quititanili Josué se itapalehuijca

13 Huan ipan nopa tonali quema Josué huan nopa israelitame itztoyaj nechca altepet Jericó, monexti iixpa se cati nesqui quej se tacat cati quipiyayaya se macheta imaco. Huan Josué quinechcahui huan quitatzintoquili:

—¿Tiitztoc tohuaya o tiitztoc inihuaya tocuanalancitacahua?

14 Huan nopa tacat tananquili:

—Amo ya nopa. Na nihualajtoc pampa nitayacanquet cati más nihueyi ten iilhui-cac ejcahua TOTECO.

Huajca Josué motancuaquetzqui huan mohujtzonqui hasta icuajtol ajsic talchi, huan quihueyichijqui huan quiilhui:

—Nimotequipanojca. Techilhui taya tijnequi ma njchihua.

15 Huan nopa hueyi tayacanquet ten iil-huicac ejcahua TOTECO tananquili:

—Xijquixti motecac. Campa tiijcatoc eltoc tatzejtzelotic, pampa na, nimoTECO, nojquiya niijcatoc nica.

Huan Josué quichijqui cati quiilhui.

Nopa israelitame quitanque altepet Jericó

6 Amo aqui hueliyaya calaquis, yon quisas ten altepet Jericó pampa cuali quizactoyaj nopa caltemit ipan inintepa cati quiyahualojtoya pampa injuanti quinimacasiyayaj nopa israelitame. **2** Huan TOTECO quiilhui Josué: “Na nimitzmactilijtoc altepet Jericó, huan itanahuatijca huan nochí isoldados para anquitanise. **3** Ta huan nochí amosoldados xinejnemica yahaultic ten ne altepet se huelta. Quej nopa monequi xijchihuaca mojmota para chicuase tonati. **4** Teipa nejnemise nopa chicome totajtzitzi cati quitayacanaltise icaxa TOTECO. Huan sesen totajtzi ma quihiuca se icuacua se oquich borrego. Huan

quema ajsis nopa tonali chicome, xijyahualoca nopa altepet chicome huelta huan nopa totajtzitzi quipitziyase nopa cuacuajti. **5** Huan quema anquicaquise para huejcahuase tapitzase chicahuac huan amo motensehuise, nochí amomasehualhua ma tzajtzica ica nochí ininchicahualis. Huan huetzis nopa tepamit cati ica quiyahualtzactoque nopa altepet. Huan ipan nopa talojtzi monequi nochí amojuanti xicalaquica ipan nopa altepet huan xiquintehuitij cati itztoque amoixmelac.”

6 Huajca Josué, icone Nun, quinnotzqui nopa totajtzitzi huan tacame huan quinilhui: “Xijcuica nopa icaxa TOTECO cati quipiya cati tohuaya mocajtoc. Huan chicome ten amojuanti antayacanase. Huan sesen amojuanti anquihuicase icuacua se oquich borrego.” **7** Huan quinilhui nopa israelitame: “Amantzi xijpehualtica xinejnemica yahaultic nopa altepet. Tayacantiyase nopa soldados ica inintepos para tatehuise, teipa nopa chicome totajtzitzi ica tapitzali huan teipa icaxa TOTECO.”

8 Huan nochí quichijque cati Josué quinilhui. Nopa chicome totajtzitzi tapitziyahuiyaj huan amo mosiyajquetzaya-yaj huan quinyacanayayaj nopa totajtzitzi cati quihiucayayaj icaxa TOTECO. **9** Huan iica nopa caxa hualayayaj más soldados para tamocuitahuise iica.

10 Huan Josué nojquiya quinnahuati nopa israelitame: “Amo xicamanaltica hasta ipan nopa talojtzi quema nimechnahuatis xitzajtzica. Huan ipan nopa talojtzi monequi xitzajtzise ica nochí amochicahualis.”

11 Huajca ipan nopa tonali quihiucaque icaxa TOTECO huan nejnenque yahaultic nopa altepet se huelta. Teipa sempa yajque campa mocajtoyaj huan nopona tonilijque. **12-13** Huan tonili nelcualca Josué mijquejqui huan nopa totajtzitzi quiuechpanoqque icaxa TOTECO. Huan nopa soldados ica inintepos para tatehuise tayacantiyahuiyayaj. Teipa tapitzihualayayaj chicome totajtzitzi cati quihiucayayaj sese inintapitzal cati qui-chijtoyaj ten icuacua se oquich borrego. Teipa hualayayaj nopa totajtzitzi cati quihiucayayaj icaxa TOTECO. Huan teipa sequinoc soldados quitoquiliyayaj nopa caxa. Huan

nopa cati tapitzayabaj amo motensehuiyaj.¹⁴ Huan quiyahualo que nopa altepet se huelta. Huan quej nopa quichijque mojmosata para chicuase tonati.

¹⁵ Quema ajsic nopa chicompa tonali, nochí mijquejque nelcualca huan pejque quiyahualohuaj nopa altepet quej achtohui quichijtoyaj, pero ama quiyahualo que chicomé huelta. ¹⁶ Huan quema tamiyaya nopa chicome huelta nopa totajtzitzi nelchicahuac huan huecjajque quipitzque nopa cuacuajti huan amo motensehuijque. Huan Josué quinnahuati nopa tacame: “¡Xitzajtzica, pampa TOTECO amechmactilijtoc ni altepet! ¹⁷ Xiquinmictica nochí cati itztoque ipan ni altepet huan xijsosoloca nochí cati eltoc nopona. Nochi eltos quej se tacacahualisti para TOTECO. San xiquincahuilica ma itztoca Rahab nopa ahuilneca sihuat huan cati itztose ihuaya ipan ichaj pampa yaya quintati nopa tacame cati quitachilicoj ni tali. ¹⁸ Ximomocuitahuica para amo anquixtrocayon se tamanti ipan nopa altepet para anmocuilise pampa nochí iaxca TOTECO huan techilhui ma tjsosoloca. Huan sinta se moculis se tenijqui, icualancayo TOTECO techajasis nochí tiisraelitame. ¹⁹ San xijhualicaca nochí ten oro, huan ten plata, huan nochí tamanti ten bronce huan ten hierro pampa ya nopa monequi tiquiyocatalise para TOTECO. Huan ticajocuise campa eltoc nochí tamanti cati patiyo cati iaxca.”

²⁰ Huajca nopa totajtzitzi quipitzque nopa tapitzali. Huan quema nopa israelitame quicajque nopa tapitzali, tzajtzique tahuel chicahuac, huan nopa tepamit cati ica quitzactoyaj nopa altepet huetzqui. Huan sesen calajqui xitahuac iixmelac ipan nopa altepet huan quintzontamiltijke cati itztoyaj. ²¹ Huan quintamimictijke ica macheta nochí tacame, sihuame, telpocame, ichpocame, huehuentzitzi huan tename. Nojquiya quinmictijke nochí huacaxme, borregojme huan burrojme. Nochi quintzontamiltijke.

²² Huan Josué quinlhui nopa ome tacame cati yajtoyaj tajtachiyatoj ipan nopa tali: “Xiyaca ichaj nopa ahuilneca sihuat huan xijquixtica ica nochí masehualme cati ihuaya itztoque quej ihuaya anmocajque.”

²³ Huajca nopa tacame calajque huan quinquitijke Rahab ihuaya itata, inana, iienihua, iteixmatcahua huan nochí inintequipanojcahua. Huan quinhuicaque ma itztoca huejca ten campa mocajcajtoyaj nopa israelitame ipan iniyoyoncalhua. ²⁴ Teipa nopa israelitame quitatijke nopa altepet huan nochí cati oncayaya nopona. San quiquitijke cati elqui ten plata, oro huan nochí tamanti ten bronce huan hierro huan quitalijke ipan itiopa TOTECO campa quiajocuayaj nochí tamanti cati patiyo. ²⁵ Huan Josué quinmanahui Rahab, iteixmatcahua huan inintequipanojcahua cati iaxcahua pampa quintati nopa tacame cati quintitantoja ma quitachilitij altepet Jericó. Huajca hasta ama Rahab noja itztoc inihuaya israelitame.

²⁶ Huan teipa Josué quitelchijqui cati quicualchijchihuasquia nopa altepet. Huan quiijto:

“Tatelchihuali nopa tacat cati sempa quicualtalisequis ni altepet.

M quis iachtohui oquichpil quema pehuas quitalis itzinpehualtil.

Huan quema quiquetzas nopa caltemit, m quis ioquichpil cati más teipa ejquet.”

²⁷ Huan TOTECO itztoya ihuaya Josué. Huan nochí masehualme campa hueli quicajque cati TOTECO quichijtoya.

Itajtacol Acán

⁷ Pero amo nochí nopa israelitame quineltocaque cati Josué quinlhui. Amo quitamiltijke nochí quej nopa tanahuatili quiijto ma quichihuaca. Itztoya se tacat ipan nopa hueyi familia Judá cati tajtacolchijqui. Itoca eliyaya Acán huan elqui icone Carmi, cati elqui icode Zabdi cati elqui icode Zara. Huan Acán moculi tamantzitzi ipan nopa altepet cati monequiyaya ma quitati. Huajca TOTECO tahuel cuanqui ica nochí israelitame por nopa tajtacoli.

Inincualancaitacahua israelitame quintanque

² Teipa quema ya quitantoyaj nopa altepet, Josué quintitanqui sequij tacame ma quisaca ipan Jericó huan ma quitajtachilitij altepet Hai cati mocahuayaya

nechca Bet Avén huan campa quisa tonati ten Betel. Huan inijuanti yajque. ³Huan quema sempa hualajque, quiilhuijque Josué: “Amo monequi ma yaca nochí tosoldados pampa amo miyaqui masehualme itztoque ipan nopa altepet. San monequi xi quintitani ome o eyi mil soldados para quintanise nopa masehualme ten Hai para amo nochí soldados yase huan siyahui.”

⁴Huajca san eyi mil israelita tacame tejcoque para quitehuitij Hai. Pero Hai ehuani quinchijque ma cholojtehuaca. ⁵Huan quintojtocatihualajque nopa israelitame ten huejcapa campa nopa caltemit ipan nopa tepamit cati quiyahualo inialtepe hasta altepet Sebarim. Huan quinmicijque huelis se 36 israelitame ipan nopa taitemolis. Yeca nochí israelitame huipicayayaj ica majmajti.

⁶Huan Josué huan nopa huehue tacame quitzayanque iniyoyo huan motancuaquetzque ica inixayac talchi iixpa icaxa TOTECO huan motzontaltemijque quej se tanextili para tahuel mocuesohuayayaj. Quej ni mocajque hasta quema tiotaquixqui. ⁷Huan Josué quiijo:

—¡TOTECO Cati Más Tijpiya Tanahuatlí! ¿Para ten tijchijqui tiisraelitame ma ti-quixcotonaca hueyat Jordán sinta techtemactilis inimaco nopa amorreos para ma techtzontamiltica? ¡Más cuali sinta timocajtosquíaj ica cati tijpixtoyaj ipan ne se-yoc nali! ⁸Ama amo njimati taya niquijtos pampa ni israelitame cholojtejoque iniixpa inincualancaitacahua. ⁹Huan nopa cananeos huan nochí cati itztoque nechca quicaquise ten panotoc, huan san sejco hualase huan techtehuise. Huan techtzon tamiltise hasta amo aqui techelnamiquis ipan ni taltipacti. Huan ayecmo mitztepantase. Ayecmo hueyi elis motoca.

¹⁰Huan TOTECO quinanquili:

—¡Ximotanana! ¿Taya tijchihua ica moyaxayac talchi? ¹¹Nopa israelitame tajtacolchijtoque pampa quiixpanoque cati niquin-nahuati quema inihuaya nimocajqui niquin-mocuitahuis. Quicuitoque tamanti cati monequiyaya quitamitatisquíaj. Huan amo san quiichtejque nopa tamanti, nojquia istacatioque huan ixtacatzi quitatijtoque ica ta-

manti cati iniaxca. ¹²Yeca nopa israelitame amo huelque quintanij inincualancaitacahua huan monequi cholose, pampa ama tatechihualme ni israelitame. Huan sinta amo nima anquisosolose nopa tamanti cati monequiyaya anquintatisquíaj, ayecmo nimitzlos amohuaya. ¹³Huajca ximotanana huan xi quinilhui nopa israelitame ma mo-pajpacaca noixpa. Ma moiycatalica para na pampa mosta monextise noixpa pampa quej nopa niamoto TECO Dios niquijtohua. Xiquinilhui para quipiyaj tamanti cati monequiyaya quitatijtosquíaj huan yeca ayecmo huelis anquintanise amocualancaitacahua hasta anquiquixtise nopa tamanti. ¹⁴Mosta monequi nochí israelitame panose noixpa. Huan anquichihuase se sorteó para nimitznextilis ipan catijqui ten nopa 12 huejhuey familias onca ni tajtacoli. Teipa nochí ite-ipan ixhuihua nopa huejcapa tata cati ico-ne Israel panose noixpa. Huan nimitznextilis ipan catijqui hueyi tata iteipan ixhuihua onca ni tajtacoli. Huan teipa nochí tetatme cati hualajque ipan ya panose noixpa ica inifamilias huan nopa tetaj cati njitapejpenis, monequi panose sesentzitzi itelpocahua huan inifamilias huan na njitapejpenis nopa tacat cati quichijtoc. ¹⁵Huan nopa tacat cati mocuilijtoc nopa tamanti cati na, niamoto TECO, niquinilhui ma quitatica, monequi anquimictise ihuaya nochí cati itztoque ipan ichaj. Teipa xi quintati ica nochí cati iniaxca pampa yaya quiixpanotoc nocamanal para amo teno quiquixtisquía ten Jericó. Yeca amechmacatoc nochí anisraelitame se hueyi tajtacoli.

TOTECO quitatzaculti Acán

¹⁶Huan tonili Josué mijquejqui cualca huan tanahuati ma moiycatalica sesen ten nopa 12 huejhuey familias huan quej nopa ma panoca iixpa Toteco. Huan TOTECO qui-nexti para elqui se ipan nopa hueyi familia ten iteipan ixhuihua Judá cati quichijqui nopa tajtacoli. ¹⁷Teipa Josué quichijqui ma monextica iyoca iteipan ixhuihua sesen ten nopa huejcapa tatame cati eliyayaj iteipan ixhuihua Judá. Huan TOTECO quinexti para elqui se iteipan ixhui nopa huejcapa tata Zera cati quichijqui nopa tajtacoli. Huan se-

sen familia ten itelpocahua Zera panoc huan quinexti para elqui ifamilia Zabdi. 18 Huan teipa sesen telpocat ten Zabdi panoc ica iconehua, huan TOTECO quinexti para elqui Acán cati tajtacolchijtoya. Acán elqui itelpoca Carmi, huan iteipan ixhui Zabdi. Ihuejapan tata itoca eliyaya Zera cati elqui itelpoca Judá itelpoca Israel ten huejcaquiya.

19 Huajca Josué quilhui Acán:

—Nocone, xijhueytali TOTECO Dios cati tiisraelitame tijtequipanohuaj. Techilhui melahuac cati tijchijtoc. ¡Amo xijtati!

20 Huan Acán quinanquili:

—Melahuac, nitajtacolchijtoc ica TOTECO Dios huan nimitzilhuis cati nijchijqui. 21 Ipan nopa ricojyot ipan altepet Jericó, niquitac se yejectzi yoyomit cati quihualicatojaj ten tali Babilonia. Huan niquitac 200 plata tomi huan se tatecti oro quej tajco kilo ietica. Huan nelía niquixtocac nopa tamanti huan nimoculi. Huan tijpantis canque nijtaldojqui itzala nochaj ten yoyomit huan nopa plata tomi nijtali itzala nopa yoyomit.

22 Huajca nimantzi Josué quintitanqui tacame ipan ichaj huan quipantijque nochí cati quitatijtoya taltita. 23 Huan qui cuique ten ichaj huan quihuicaque campa Josué huan nochí nopa israelitame mosentilijtojaj. Huan nopona quitencajque nochí iixpa TOTECO. 24 Huan teipa Josué huan nochí nopa israelitame quihuicaque Acán, iteipan ixhui Zera, ipan nopa tamayamit cati itoca Acor. Huan ihuaya quitalijke nopa plata, nopa yoyomit, nopa oro huan isihua conejua huan itaca conejua. Nojquiya quitalijke ihuacaxhua, iburrojhuá, iborregojhuá huan ichaj ten yoyomit huan nochí cati eliyaya iaxca.

25 Huan Josué quilhui Acán:

—Tijhualicac ipan tojuanti se hueyi tahuijcyayot. Huan ama TOTECO mitzmacas ta se taohuijcyayot.

Huan quema quijito ya ni, nochí israelitame quitepachojque Acán ihuaya nochí cati iaxcahua hasta mijque huan teipa quintatijque. 26 Teipa quintemilijque se tamontomit ten tet huan hasta ama noja ijcatoc. Huan nopa lugar noja itoca Tamaya

ten Acor. (Acor quijtosnequi Campa Tahuijcyayot.) Huajca ica ya nopa tanqui icualancayo TOTECO ica nopa israelitame.

Nopa israelitame quitanque altepet Hai

8 Huan teipa TOTECO quilhui Josué: “Amo ximajmahui yon amo xiyolcueshui. Xiquinhuica nochí mosoldados huan sempa xijtehuitij nopa altepet Hai pampa na nijtalijtoc momaco nopa tana-huatijquet ten Hai huan imasehualhua. Huan anquitanise inialtepe huan inintal. 2 Huan tijchihuas ica Hai huan itanahau-tijca san se quej tijchijqui ica Jericó huan itanahuatijca. Pero ama quena, huelis ammoaxcatise nochí tamanti cati eltoc nopo-na huan nochí inintapiyalhuá. Huajca ix-tacatzxi xiquintitani sequij soldados para ma motatica iica nopa altepet para quinichtacahuise huan quintanise.”

3 Huajca Josué quincualtali nochí isolados para quitehuitij Hai. Achtohui quinta-pejpeni 30 mil tacame cati más motemacayayaj para tatehuise. Huan quintitanqui ica tayohua, 4 huan quinilhui: “¡Xijtac-quilica cual! Ximotatica iica nopa altepet pero nechcatzi. Huan ximocualchijchijtose para anquitehuise. 5 Huan na ihuaya nopa soldados cati itztoque nohuaya timonechcahuise iixmelac nopa altepet. Huan quema injuanti cati itztoque ipan nopa altepet quisase ten nopa caltemit ipan inintepe para techtehuiquij, ticholose quej achtohuiya tijchijque. 6 Huan injuanti hualase totepotzco pampa moilhuise para sempa ticholojtehuase. 7 Huan huajca monequi anquisase nimantzi ten campa ammotatijtose huan anquitzquise nopa altepet pampa amoTECO Dios amechmacas amomaco. 8 Huan quema ya anquiantose nopa altepet, xijtatica quej TOTECO quij-tojtoc huan quej na nimechnahuatijtoc.”

9 Huajca Josué quintitanqui, huan ini-juanti yajque huan motatijque iica altepet Hai para campa calaqui tonati, tatajco ten altepet Betel huan Hai. Huan Josué panoc nopa yohuali ipan ichaj ten yoyomit campa mocajcahuayayaj nochí nopa israelitame.

10 Tonili Josué mijquejqui nelcualca huan quinsentili isoldados. Huan Josué

huan nopa huehue tacame cati eliyayaj inintayacancahua nopa israelitame taya-cantiyajque para quitehuitij altepet Hai. ¹¹Huan nochí inijuanti nejnentiyajque huan monechcahuijque iixmelac nopa altepet ica norte. Huan oncayaya se tamayamit tatajco ten campa inijuanti mocahuayaj huan altepet Hai. ¹²Huan Josué quintitanqui se macuili mil tacame para ma motatica tatajco Betel huan Hai quentzi más para campa calaquí tonati. ¹³Huajca sesen yajqui campa monequiyaya; sequij campa temo tonati huan sequij mocajque imelac nopa altepet ica norte. Huan nopa yohuali Josué mocajqui ipan nopa tamayamit.

¹⁴Huan quema nopa tanahuatijquet ten Hai quiitac Josué, moisihuili huan quisqui ten itepa nopa altepet cualca ica isoldados para quintehuitij nopa israelitame ipan nopa tamayamit nechca hueyat Jordán. Pero amo quimatiyayaj para sequinoc israelitame motatijtoyaj iica ialtepe. ¹⁵Huajca Josué ihuaya isoldados san tachijque para majmahuiyaj huan cho-lojejque ten nopa Hai ehuani. Huan yajque ipan ojti cati panoyaya ipan nopa huactoc tali campa amo teno eli. ¹⁶Huan nopa tanahuatijquet quinnahuati nochí isoldados cati mocajtoyaj altepet Hai para ma quitepotztocaca Josué. Huan quej nopa, nopa israelitame quinyacanque para ma quicajtehuaca inialtepe huan ma yaca huejca. ¹⁷Huan amo mocajqui yon se tacat ipan Hai o ipan Betel cati amo quinto-quili nopa israelitame. Nochi yajque, huan nopa altepet mocajqui tapojtoc. Amo aqui mocajqui para quimanahuis.

¹⁸Huajca TOTECO quiilhui Josué: "Xixitahua mocuachoso cati huehueyac para Hai para xiquinnextili mosoldados ma calaquica ipan nopa altepet pampa na nimitzmactilis."

Huan quej nopa Josué quixitajqui. ¹⁹Huajca inijuanti cati motatijtoyaj nimantzi motanorque huan calajque ipan nopa altepet. Huan quitanque huan quitatijque.

²⁰⁻²¹Huan quema nopa tacame ten altepet Hai moicancuetque, quiitaque pocti tejcoyaya ten inialtepe hasta ilhuicac. Huan Josué huan nopa israelita soldados

cati cholohuayayaj ica campa nopa huac-toc tali moicancuetque huan quiitaque pa-ra inijuanti cati motatijtoyaj iica nopa altepet ya calactoyaj huan quitatijtoyaj. Huajca nimantzi sempa mocuetque huan quintehuicoj nopa tacame ten altepet Hai cati quintoquiliyaj. Huan nojquia nopa israelita soldados cati calactoyaj ipan altepet quisque huan pejque quintehuiaj nopa Hai ehuani ten iniica huan huajca ayecmo cana huelyayaj cholose. ²²Nopa israelitame quinyahualoijque; sequij iniipa huan sequinoc iniica. Huan nopa israelitame quintamimictijque nopa altepet Hai ehuani huan amo aqui quicajque ma cholo. ²³San quicahuilijque ma itzto nopa tanahuatijquet hasta quihuicaque iixa Josué.

²⁴Huajca nopa israelitame quintamimictijque ica macheta nochí altepet Hai ehuani cati quintepotztocatinemiyaj ipan huac-toc tali. Teipa nochí israelitame yajque ipan altepet Hai huan quintamimictijque cati itztoyaj nopona. ²⁵Huajca ipan nopa tonali mijque nochí 12 mil tacame huan sihuame cati itztoyaj ipan Hai, ²⁶pampa Josué amo quitemhui imax cati quitananayaya ichoso hasta isoldados quintamimictijque nochí ipan Hai. ²⁷Pero nopa israelitame mocuilijque nochí tapiroalme huan tamanti cati oncayaya ipan nopa altepet quej TOTECO quiilhuijtoya Josué ma quichihuaca. ²⁸Huan teipa Josué quitamitati nopa altepet. San mocajqui se tamontomit ten tasoli campa amo aqui quinequi monechcahuis hasta ama. ²⁹Huan Josué quicuhuiyoni nopa tanahuatijquet ten Hai ipan se cuahuit huan noppa mocajqui hasta tiotac. Huan quema calaquito tonati, Josué tanahuati ma quite-mohuica itacayo huan ma quimajcahua nechca campa eltoya nopa caltemit para calaquij ipan itepa nopa altepet. Huan quinilhui ma quimontonoca tet icuitapa. Huan nopa tamontomit ten teme noja eltoc.

TOTECO quiompahui icamanal ica israelitame

³⁰Huajca ipan tepet Ebal Josué quichijqui se taixpamit para TOTECO Dios cati tiisraelitame tijhueyichihuaj. ³¹Quichijqui sen-quisa quej Moisés, itequipanocea TOTECO,

tanahuatijtoya ma tijchihuaca. Quichijke quej ijcivilijtoc ipan nopa tapohualisti ten itanahuatilhua Moisés. Huan nopa israelitame quimacaque TOTECO tacajcahualisti tatatili ipan nopa taixpamit huan nojquiya quimacaque tacajcahualisti para ma onca tayoltalili ica Toteco. ³²Teipa iniixpa nochí israelitame Josué quiijcuilo ipan nopa tet cati ica quichijtoya nopa taixpamit nopa tanahuatilme cati Moisés quinmacatoya. ³³Huan nochí israelitame moquetzque iixpa icaxa TOTECO. Tajco ten nopa israelitame ijcatoyaj iixmelac nopa caxa ica tepet Gerizim iniiica inihuaya inihuehue masehualhua, inintayacancahua, injueces huan nopa masehualme ten sequinoc altepeme cati itztoyaj inihuaya. Huan nopa seyoc tajco israelitame ijcatoyaj iixmelac nese lado nopa caxa ica nopa tepet Ebal iniiica, inihuaya inihuehue masehualhua, inintayacancahua, injueces huan nopa masehualme ten sequinoc altepeme cati itztoyaj inihuaya. Huan nopa totajtzitzi cati hualajque ipan nopa hueyi familia ten levitame quihuicayabaj nopa caxa huan mocajque tatajco nopa israelitame. Quichiyayabaj para quintiochihiuase nopa masehualme. Nochí elqui senquisa quej Moisés, itequipanojea TOTECO, tanahuatijtejqui huecajquiya ma quichihuaca nopa totajtzitzi para ma quintiochihiuaca nopa israelitame.

³⁴Huan teipa Josué quipojqui nochí nopa camanali ten nopa tanahuatilme cati TOTECO quinmacatoya. Quipojqui nochí tatiochihualisti huan nochí tatelchihualisti cati ijcivilijtoc ipan nopa tapohualisti cati quipixtoya itanahuatilhua TOTECO. ³⁵Huan Josué amo quiyocacajqui yon se camanali cati quinahuati Moisés. Nochí quipojqui iniiixa pa nochí nopa israelitame cati itztoyaj npona. Huan ijcatoyaj npona nochí israelitame ica sihuame, coneme huan nochí sej-coyoc ehuani cati itztoyaj inihuaya.

Gabaón ehuani quincacayajque israelitame

9 Huan nopa tanahuatiani cati itztoyaj ipan ne seyoc inaliyo hueyat Jordán para campa temo tonati quicajque cati pa-

noc ica altepet Jericó pampa nochí masehualme cati itztoyaj iteno nopa hueyi at Mediterráneo huan hasta ipan nopa tepe-me ten Líbano quimatque. Nopona itztoyaj nochí nopa tanahuatiani ten nopa he-teos, amoreos, cananeos, ferezeos, heveos huan jebuseos. ²Huan huajca nochí mosentilijque ica san se iniyolo para qui-tehuiuse Josué huan nopa israelitame.

³Pero inijuanti cati itztoyaj ipan altepet Gabaón quicajque cati Josué quinchihuilijtoya altepeme Jericó huan Hai, ⁴huan pejque moilhuaj quenicateza huelis quincacayahuase nopa israelitame para momanahui-se. Huajca quicuique tamanti cati ayecmo cuali para tachihuase quej huejca hualaya-yaj. Quitalijque huehue coxtali ininpani ininburrojhuia. Huan quitalijque cuetax bol-sas cati nojquiya sosoltic cati ipan quitectoyaj xocomeca at. ⁵Huan motalilijque tecacti sosoltic huan coyontoc. Huan motalilijque iniyoyohua cati nelantoc. Huan quihuicayque pantzi cati pojajtoya huan huactoc. ⁶Huan ajiscoj campa Josué mocajcahuaya ipan Gilgal huan quicamanalhuijque Josué huan nopa israelita tayacanani. Quinillhuijque:

—Tojuanti tihualahuji nelhuejca. Ti-hualajtoque para timochihuase tihuam-pojme huan tijsencahuase se camanal sen-cahuali para amo quema timotehuise.

⁷Huan nopa israelitame quinnanquilijque nopa Gabaón ehuani:

—Huelis anitztoque nechca ten tojuanti huan quej nopa amo hueli timocahuase amohuaya para amo timotehuise.

⁸Huan nopa Gabaón ehuani quinan-quilijque Josué:

—Tojuanti timechtequipanose san tapic. Huan Josué quinilhui:

—¿Aiquiya amojuanti huan canque an-hualahuji?

⁹Huan tananquilijque:

—Timotequipanojeahua tihualajtoque nelhuejca pampa tijcactoque cati amoTECO Dios amechchihuiliijtoc. Tijcactoque ten ihueyitilis huan nochí nopa tanextili cati quichijqui ipan tali Egipto. ¹⁰Tijcactoque nochí cati quinchihuili nopa ome inintana-huatijcahuia amoreos cati itztoyaj ne seyoc

inaliyo hueyat Jordán; Sehón nopa tana-huatijquet ten Hesbón huan Og nopa tana-huatijquet ten tali Basán cati mosehuijtoya para tanahuatis ipan altepet Astarot. **11**Huan yeca tohuehue masehualhua huan nochí cati itztoque ipan total techilhuijque ma tijcuica cati monequi para ipan ojti huan ma tihualaca timechitaquij. Quinequiyayaj ma timechilhuiquij para timechtequipanose san tapic sinta timohuampojchihuase. **12**Huan ni topantzi cati tijhualicatoque tij-cuitejque noja totonic. Pero ama xiquitaca. Ya huactoc huan hasta pojayatoc. **13**Ni cue-tax bolsas cati ipan tijtejque xocomeca at, nojquiya eltoya yancuic quema tijtemitij-que huan ama ya tzayantoc. Nojquiya tahuvel tantoc toyoyo huan totecac, pampa ne-lía huejca tinejnentoque.

14Huan nopa israelitame huan Josué quiyecojque nopa tacualisti cati quihualica-yayaj huan quinneltocoque nopa gabaonita-me, pero amo quitatzintoquilijque TOTECO achtohui taya quichihuase. **15**Huajca Josué quichijqui se camanali inihuaya para mo-huampojchihuase huan quincahuilise ma itztoca. Huan yaya huan nopa tayacanca israelitame nojquiya quitestigojquetzque TO-TECO para amo quinmictise.

16Huan quema ya panotoya eyi tonati, nopa israelitame quimatque para nopa gabaonitame hualayayaj nechcatzi huan nelía itztoyaj ipan inintal. **17**Huajca nopa israelitame yajque quintemotoj. Huan ica eyi tonati ajisitoj ipan inialtepe cati eliya-ya Gabaón, Cafira, Beerot huan Quiriat Je-arim. **18**Pero nopa israelitame amo quin-mictijque, pampa inintayacancahua qui-testigojquetztoaj TOTECO Dios cati tiisraelitame tijtequipanohuaj para amo tiquin-mictisquíaj.

Yeca nopa israelitame pejque quinejel-namiquij inintayacancahua pampa cuan-que ica nopa camanali cati quichijque. **19**Pero nopa tayacanani quinilhuijque no-pa israelitame:

—Tojuanti tijtestigojquetztoque TO-TECO Dios cati tijtequipanohuaj para amo teno tiquinchihuilise, huan yeca ama amo teno huelis tiquinchihuilise. **20**Monequi tiquincahuase pampa sintia amo tijchihuau-

se cati tijtestigojquetzque TOTECO Dios, yaya tahuvel cuanlis ica tojuanti.

21Huajca nopa tayacanca israelita ta-came tanahuatijque ma amo quinmictica nopa Gabaón ehuani pero ma quintequi-huica quej cuajcuahuini huan asacani. Huan quej nopa quichijque.

22Huan Josué quinnnotzqui nopa gaba-onitame huan quinilhui:

—¿Para ten antechcrajcayajque? Antech-ilhuijque para huejca amochajchaj, pero nelía nechcatzi anhualahuij. **23**Huajca pampa cati anquichijtoque, Toteco Dios amechtel-chijtoc huan para nochipa antechtequipa-nose. Monequi ancuatapanase huan anasa-case para itaixpa Toteco ipan ichaj.

24Huan quinanquilijque Josué:

—Nochi ya ni tijchijque pampa tijmati-yayaj antechmictisquíaj. Tijcrajque para amo TECO Dios quinahuatijtoya Moisés ma amechmaca ni tali huan ma techtzonta-miltica nochí cati tiitztoque nica. Huajca timajmahuiyayaj. **25**Pero tiitztoque momaco; xijchihua cati más cuali tiquita.

26Huajca Josué amo quincahuili nopa israelitame ma quinmictica nopa gabaoni-tame. **27**Pero quichijqui ma elica cuajcuahuini huan asacani para nopa israelitame huan para itaixpa TOTECO. Huan hasta ama ya nopa quichihuaj nopa gabaonita-me ipan nopa lugar campa TOTECO quita-pejpenijtoc para itaixpa.

Nopa israelitame quintanque nopa amorreos

10 Huan Adonisedec nopa tanahuatij-quet ten altepet Jerusalén quicajqui quenicatzia Josué quitantoya altepet Hai huan quimictijtoya itanahuatijca. Huan momacac cuenta para quisosolo nochí cati el-toya ipan Hai san se quej quisosolo nochí ipan altepet Jericó huan quimicti itanahuatijca. Nojquiya Tanahuatijquet Adonisedec quicajqui para nopa gabaonitame quichijto-yaj se camanali ica nopa israelitame huan ama mocahuayayaj inihuaya. Huajca nelía majmajqui. **2**Huan noja más majmajqui pampa quimatqui para Gabaón nelía eliya-ya se altepet hueyi huan quipiyayaya chicalisti quej nopa altepeme campa mose-


huía se tanahuatijquet. Nojquiya altepet Gabaón eliyaya más hueyi que altepet Hai, huan nochí isoldados nelía mooquichmatiyayaj. ³Yeca Tanahuatijquet Adonisedec quintitanqui itayolmelajcahua ma yaca quiitatij Tanahuatijquet Hoham ipan altepet Hebrón, Tanahuatijquet Piream ipan altepet Jarmut, Tanahuatijquet Jafía ipan altepet Laquis huan Tanahuatijquet Debir ipan altepet Eglón. Huan quinilhui: ⁴“Xihualaca nica, techpalehuiquij tijtehuise altepet Gabaón pampa injuanti mohuampochijtoque ihuaya Josué huan nopa israelitame.” ⁵Huan quej nopa inisoldados nopa maculti tanahuatiani ten amorreos, (injuanti nopa tanahuatiani ten Jerusalén, Hebrón, Jarmut, Laquis huan Eglón) mosejcotilijque para quitehuise Gabaón. Huan yajque huan mocajcrajque nechca nopa altepet para quitehuitij.

⁶Huajca nopa Gabaón ehuani quititanilijque se amat Josué campa itztoya ipan Gilgal huan quiyolmelajque: “Amo techta-huelcahua tojuanti cati timotequipanojcahua. Xihualaca nimantzi techpalehuiquij huan techmanahuiquij, pampa nochí nopa tanahuatiani cati quinnahuatíaj amorreos

campa tachiquiltipa mosentilijtoque para techtehuise.”

⁷Huajca Josué quisqui ten Gilgal ica nochí isoldados cati más motemacayayaj. ⁸Huan TOTECO quiilhui Josué: “Amo xi-quinimacasi pampa na nimitzmactilis momaco. Huan amo aquí huelis mitztanis.”

⁹Huan Josué néjenenqui nochí se yohual ten Gilgal huan quinichtacahuito nopa amorreos. ¹⁰Huan TOTECO quichijqui ma momajmatica iniixpa nopa israelitame huan ma cholojtehuaca. Huan quipalehui Josué ma quinmicti miyac ipan se hueyi tatehuilisti nechca Gabaón. Teipa quichijqui para nopa israelitame ma quintepotztocatiyaca ne sequinoc ipan nopa taixtemolis nechca altepet Bet Horón. Huan ya nopa quinpalehui para noja ma quinmictijtiyaca nopa amorreos hasta ipan nopa altepeme Azeca huan Macea. ¹¹Huan quema nopa amorreos temoque nopa taixtemolis nechca Bet Horón para mochololtise ten nopa israelitame, TOTECO quittitanqui tesihuit ininpani ten ilhuicac cati eliyaya quej huejhueyi teme. Huan TOTECO quinmicti más amorreos ica tesihuit que cati israelitame quinmictijque ica inimacheta.



Josué quinahuati tonati huan metzti ma moquetzaca.

12 Huan quema TOTECO quintemactili-yaya nopa amoreos inimaco israelitame, Josué quicamanalhui TOTECO iniixpa nopa israelitame huan quiijo:

“Ma moquetza tonati ipan nopa altepet Gabaón.

Huan ma moquetza metzti ipan nopa tamayamit Ajalón.”

13 Huajca tonati huan metzti moquetzque, hasta nopa israelitame quintanque inincualancaitacahua.

Huan ya ni huan nochí cati panoc ijciuljtoc ipan nopa tapohualisti Jaser. Huan nopa tonati moquetzqui tatajco ipan ilhui-cacti huan quichixqui nechca se tonal para calaquití. **14** Amo quema oncatoya seyoc tonali quej nopa tonali, yon amo quema oncas; pampa TOTECO quitacaquili icamanal se tacat. Huan TOTECO nelía tatehuiyaya por nopa israelitame.

15 Teipa Josué huan nopa israelitame sempa yajque campa mocajcahuayayaj ipan Gilgal.

16 Huan ipan nopa tatehuilisti nopa macuulti tanahuatiani cholojque huan motatijque ipan se ostot nechca altepet Macea. **17** Pero se acajya quilhui Josué canque motatiyayaj. **18** Huajca Josué tanahuati: “Xjmimiloca huejhueyi teme campa calajque ipan nopa ostot huan cuali xijtzacuaca. Teipa xiquincahuaca soldados nopena ma quimocuitahuica para amo huelis quisase. **19** Pero amo juanti amo ximoquetzaca. Xiquintepotz-tocatiyaca amocualancaitacahua huan xiquintehuijtiyaca ica iniica. Amo xiquincahuilica ma calaquica ipan inialtpe, pampa amoTECO Dios amechmactilijtoc amomaco.”

20 Huajca Josué inihuaya nopa israelitame quintanque nopa amoreos huan quinmictijque ipan se hueyi tatehuilisti. San se ome cholojque huan motatitoj ipan altepeme cati tzactoya. **21** Huan nochí israelita soldados ajisque ica cuali campa itztoya Josué nechca Macea campa mocajc妖toyaj. Huajca amo aqui motemacac para camanaltis cati fiero ten nopa israelitame.

22 Teipa Josué quiijo: “Xijtapoca nopa ostot campa anquintzajque nopa macuulti tanahuatiani huan techhualiquilica.”

23 Huajca nopa israelitame quinquitxijque ten nopa ostot nopa macuulti tanahuatiani; nopa tanahuatijquet ten Jerusalén, Hebrón, Jarmut, Laquis huan Eglón.

24 Huan quema quinhuicalaque iixpa Josué, quinnatzqui nochí nopa israelita soldados para ma monechcahuica. Huan quinnahuati nopa tayacanani ten isoldados, quinlhui: “Xiquintaliliquij amoicxi ininquechta ni tanahuatiani.”

Huan quej nopa quichijque. **25** Huajca Josué quinlhui: “Amo ximajmahuica yon amo xiyolcuesihuica. Ximoyoltetilica huan ximosemacaca pampa quej ni TOTECO quinchihuilis nochí amocualancaitacahua.”

26 Teipa Josué quinmicti nopa tanahuatiani huan tanahuati para sesen ma quicuahuiyonica ipan se cuahuit. Huan quej nopa quincajque hasta quema tiota-quixqui. **27** Huan quema calaquito tonati, Josué tanahuati ma quintemohuica nopa mijcatzitzí huan ma quintemaca ipan nopa ostot cati ipan motatijtoyaj. Teipa quitzajque nopa ostot ica huejhueyi teme huan quej nopa noja eltoc hasta ama.

Campa hueli tatanque israelitame

28 Ipan nopa tonali nojquiya Josué qui-tanqui nopa altepet Macea huan quitanisosolo. Quimachetajhui inintanahuatijca huan nochí cati itztoyaj nopena, huan amo aqui mocajqui yoltoc. Quichihuli nopa tanahuatijquet ipan Macea san se quej quichihuli nopa tanahuatijquet ten altepet Jericó.

29 Huan teipa Josué huan nopa israelitame quisque ipan Macea huan yajque quitehuitoj altepet Libna. **30** Huan nojquiya TOTECO quinmactili nopa altepet ihuaya itanahuatijca. Huan quinmictijque nochí cati itztoyaj nopena ica macheta. Amo aqui mocajqui yoltoc, huan quichihuilijque inintanahuatijca san se quej quichijque ica nopa tanahuatijquet ten Jericó.

31 Teipa Josué huan nopa israelitame quisque ipan Libna huan quiyahualotoj al-

tepet Laquis para quitehuise. ³²Huan tonili TOTECO quinmactili altepet Laquis huan nopa israelitame quinmachetajhuijque nochí cati itztoyaj nopona quej quichijtoyaj ipan Libna.

³³Huan quema quitehuiyajay Laquis, Tanahuatijquet Horam ipan altepet Gezer hualajqui ica isoldados para quimanahui-co nopa altepet, pero Josué nojquiya quitanqui ya inihuaya nochí isoldados huan amo aqui quicajqui yoltoc.

³⁴Huan quema Josué huan nopa israelita soldados cati itztoyaj ihuaya quisque altepet Laquis, quiyahualotoj altepet Eglón para quitehuise. ³⁵Huan ipan nopa tonali quitanke nopa altepet huan quinmachetajhuijque nochí cati nopona itztoyaj. Quintamimictijque quej quichijtoyaj ica Laquis.

³⁶Teipa quistejque altepet Eglón huan yajque altepet Hebrón para quitehuitij. ³⁷Huan quitanque nopa altepet huan quimachetajhuijque nopa tanahuatijquet huan nochí masehualme cati itztoyaj nopona huan ipan nochí pilaltepetzitzí nejnechca. Quichijque san se quej quichijque ica altepet Eglón. Huan amo aqui mocajqui yoltoc.

³⁸Teipa Josué huan nopa israelita soldados sempa yajque altepet Debir para quitehuitij. ³⁹Huan quimachetajhuijque nopa tanahuatijquet huan nochí cati itztoyaj ipan nopa altepet huan ipan nochí ipilaltepehua. Huan amo aqui mocajqui yoltoc ipan Debir pampa quintamimictijque nochí quej quichijtoyaj ipan altepet Hebrón huan Libna.

⁴⁰Quej nopa Josué quitanqui nochí nopa tali huan inintanahuatijcahua. Ica norte quitanqui campa nopa tachiquiltipa, huan ica sur campa nopa huactoc tali Neguev. Quitanqui nopa tamayan tali campa temo tonati huan nopa taixtemolis ica campa quisa tonati. Nochi altepeme quitanmisosolo huan nochí masehualme quintamimicti. Amo aqui mocajqui yoltoc quej technahuatijtoya TOTECO Dios cati tiisraelitame tijtequipanohuaj. ⁴¹Quintamitanqui huan moaxcati nochí nopa tali ten Cades Barnea ica sur hasta Gaza campa temo tonati, huan nochí nopa tali ten Gosén

hasta altepet Gabaón ica norte. ⁴²Nochi ya ni quichijqui ica se huelta pampa TOTECO Dios cati tiisraelitame tijtequipanohuaj yaya tatehui por tojuanti. ⁴³Huan teipa Josué huan nochí israelita soldados sempa yajque campa mocajcajtoyaj ne se-quinoc israelitame ipan tali Gilgal.

**Josué quitanqui Jabín
huan nochí cati nechca mocajque**

1 1 Quema Tanahuatijquet Jabín ipan altepet Hazor quimatqui ya nopa, tatitanqui ma quinyolmelahuatij miyac tanahuatiani para ma mosentilica ica inisoldados para san sejco ma quintehuitij israelitame. Quiyolmelajqui nopa tanahuatijquet Jobab ten tali Madón huan nojquiya nopa tanahuatijquet ten Simrón huan ten Acsaf. ²Nojquiya quinyolmelajqui nochí nopa tanahuatiani cati itztoyaj ipan tepe-me ica norte, huan campa tamayantipa ipan Arabá ica sur ten nopa hueyat Cineret huan campa tepeme nejnechca Dor ne-ca campa calaqui tonati. ³Quinyolmelajqui nopa tanahuatiani ten nopa cananeos ica campa quisa tonati huan nopa sequinoc campa calaqui tonati. Nojquiya quinyolmelajqui nopa tanahuatiani ten nopa amorreos, heteos, ferezeos huan jebuseos cati itztoque campa tepeme huan nopa tanahuatijquet ten nopa heveos cati itztoque ipan itaixtemolis tepet Hermón ipan tali Mizpa.

⁴Huan nochí ni tanahuatiani quisque ica inisoldados huan ica miyac tatehuijca carrojme huan tahuel miyac cahuayoymje. Itztoyaj tahuel miyac soldados hasta amo aqui huelyaya quinphohua pampa nesiayaj quej imiyaca xali iteno hueyi at. ⁵Nochi inijuanti mosentilijque huan mocajque nechca nopa ameli cati itoca Merom para quintehuise israelitame.

⁶Pero TOTECO quiilhui Josué: “Amo xi-quinimacasi pampa mosta quej ama ni hora na ya nimechmictilijtos nochí inijuanti. Huan anquitequise se inimetztalo ininca-huayoymja para amo mortalose huan an-quantatise inintatehuijca carrojhuia.”

⁷Huajca Josué huan nochí isoldados quinichtacatehuitoj nechca hueyat Me-

rom huan pejque quintehuaj. ⁸Huan TOTECO quintemactili inimaco nopa israelitame, huan quintehuijque huan quintepotzcatiyajque hasta nopa Hueyi Altepét Sidón huan hasta Misrefot Maim. Huan para campa quisa tonati quintepotztoaque hasta nopa Tamaya ten Mizpa, huan yon se amo mocajqui yoltoc. ⁹Huan Josué quichijqui quej TOTECO tanahuatijtoya huan quitejque se inimetztalo inincahuayojhua huan quitati inintatehuijca carrojhua.

¹⁰Teipa quema Josué ya yahuiyaya ichaj, quitanqui altepet Hazor, huan quimicti itanahuatijca. (Achtohuiya altepet Hazor yaya quipiyayaya tequiticayot ica nochí sequinoc altepeme ipan nochí ni talme.) ¹¹Huan quinmicti ica macheta nochí cati nopena itztoyaj huan quitatijque nopa altepet. ¹²Huan teipa Josué quintehui nochí nopa altepeme cati iniaxcahua nopa tanahuatiani cati mosentilijtoyaj para tatehuise. Quintanqui nopa altepeme huan quinmicti nochí cati itztoyaj nopena quej Moisés, itequipanojca TOTECO, tanahuati huejcajquiya ma quichihuaca. ¹³Pero nopa israelitame amo quitatijque yon se altepet cati quichijtoyaj ipan tet. San Hazor, quena, quitatijque. ¹⁴Quintamimictijque cati itztoyaj ipan nopa altepeme huan maxcatijque nochí tapiyalme huan tamanti cati oncayaya. Yon se masehuali amo mocajqui yoltoc.

Josué quichijqui cati Moisés quinahuati

¹⁵Nochi tanahuatilme cati TOTECO quinahuatijtoya Moisés ma quichihuaca, Moisés quipanoltijtoya ica Josué para ma quichihua. Huan Josué quichijqui senquisa nochí nopa tanahuatilme. Josué amo quiiyocacajqui yon se tanahuatili cati TOTECO quinahuatijtoya Moisés. ¹⁶Huan Josué quitanqui nochí nopa tali campa hueli. Quitanqui nopa tali campa tepeme, campa huactoc tali Neguev, nochí tali Gosen, nochí nopa tamayamit nechca at, nochí tali Arabá, huan nochí nopa tepeme huan tamayantipa cati ama eltoc ipan tali Israel. ¹⁷Mocuilijtoyaj inintal ica inepa cati pehua ipan tepet Halac nechca Seir

ica sur huan yahui hasta Baal Gad ipan nopa Tamayamit Líbano ica norte cati moca-hua itzinta tepet Hermón. Huan Josué quinitzqui huan quinmicti nochí tanahuatiani ipan nopa tali, ¹⁸masque huejcajqui para quintehuijtinenqui. ¹⁹San ica nopa heveos ten altepet Gabaón quichijque se camanalí, pero nochí sequinoc heveos quinmictijque. ²⁰Pampa TOTECO quinyltetili inincahuacahua para ma motzontochonchihuaca huan ma quintehuitij nopa israelitame. Huan teipa nopa israelitame quintzontamiltijque huan amo quipixque iniyolo inihuaya quej TOTECO quinahuatijtoya Moisés ma quichihuaca.

²¹Ipan nopa tonali Josué yajqui quintzontamiltito nopa masehualme huejcabantique cati eliyayaj iteipan ixhuihua Anac huan itztoyaj ipan tepet Hebrón, Debir, Anab huan ipan nochí tepeme campa ama tali Judá huan tali Israel. Quinmicti huan quinsosolhuili inialtepehua. ²²Huan quej nopa amo mocajqui yon se huejcabantique masehuali ipan inintal nopa israelitame. San, quena, sequij mocajque ipan tali Gaza, Gat huan Asdod. ²³Huajca quej nopa Josué quitanqui nochí nopa tali quej TOTECO quilhuijtoya Moisés. Huan Josué quinmajmacac nopa israelitame nopa tali para iniaxca quej TOTECO quijito. Quinmajmacac sesen ten nopa hueyi familias quej imiyaca iteipan ixhuihua. Huan teipa, quena, oncac tasehuilisti ipan nopa tali huan ayecmo oncac tatehuilisti.

Nopa tanahuatiani cati quintanqui Moisés

12 Ipan ne seyoc inaliyo hueyat Jordán, Moisés quinycantoya nopa israelitame ma quitanica Sehón, inintanahuatijca amorreos cati itztoya ipan altepet Hesbón, huan Og, nopa tanahuatijquet ten altepet Basán. Yeca quitanque nopa tali ten nopa tamayamit Arnón huan ten nochí nopa tamayamit nechca hueyat Jordán hasta nopa tepet Hermón ipan norte.

²Huan Sehón cati elqui tanahuatijquet ten nopa amorreo masehualme quinahuatijaya nopa tajco ten tali Galaad cati eltoya ipan sur. Nopa tali eltoya tatajco ten

nopa tamayamit. Nopa hueyat Jaboc mohahuayaya ica norte huan nopa tamayamit ten hueyat Aroer ipan sur. Nopa hueyat Jaboc elqui ininepa inintal nopa amonitame. Huan ica sur, pero quentzi más para campa quisa tonati, inepa Sehón ajsic hasta nopa altepet Aroer ipan iteno nopa tamayamit Arnón. Huan ica sur, pero quentzi más para campa temo tonati inepa ajsic hasta nopa altepet ipan nopa tamayamit ten hueyat Arnón cati mocahua tatajco altepet Aroer huan nopa Hueyi At Mictoc. ³Inepa Tanahuatijquet Sehón ica campa temo tonati elqui nopa tamayamit nechca hueyat Jordán cati pejqui ica norte ipan nopa hueyi mantoc at cati itoca Cineret huan ontami ica sur campa nopa Hueyi At Mictoc. Nojquiya mocajqui ipan ital Tanahuatijquet Sehón nopa tali cati pejqui ica nopa Hueyi At Mictoc huan yajqui para campa quisa tonati hasta altepet Bet Jeshimot cati mocahua itzinta tepet Pisga.

⁴Huan Moisés huan nopa israelitame nojquiya quitanque Og, nopa tanahuatijquet ten Basán. Tanahuatijquet Og elqui iyojodzi ten nopa huejcapantique masehualme cati inintoca refáitame. Huan yaya mosehui para tanahuatis ipan altepeme Astarot huan Edrei. ⁵Huan ital Og quipixqui nopa tepet Hermón, Salca, huan nochí nopa tali Basán. Huan ital yajqui hasta inepantipa Gesur huan Maaca campa temo tonati, huan ica sur quipixqui tajco ten nopa tali Galaad campa ajsi inepa ital Sehón cati achtohui yaya eliyaya tanahuatijquet ipan altepet Hesbón.

⁶Moisés ihuaya nopa israelitame quintanque ni tanahuatiani, huan Moisés quinmacac ni talme nochí iteipan ixhuihua Rubén, Gad, huan tajco ten iteipan ixhuihua Manasés.

Nopa tanahuatiani cati quintanqui Josué

⁷Huan Josué huan nopa israelitame quintanque ni tanahuatiani ten nimitzilhuis cati itztoyaj ipan talme ten nopa hueyat Jordán hasta campa calaqui tonati. (Ni tali pejtehua ica Baal Gad ipan Itamaya Líbano huan ontantoc ipan tepet Halac cati

tejco hasta tepet Seir.) Huan Josué quinmajmacac israelitame ni tali quej inimiya-ca iteipan ixhuihua ten sesen hueyi familia quipiyayaya. ⁸Ni tali quipixqui nopa tepeme, nopa tamayamit nechca hueyat Jordán, nopa Arabá, nopa taixtemolis, nopa huactoc tali campa amo teno eli huan nopa Neguev. Ni talme eliyaya iniaxca nopa heteos, amorreos, cananeos, ferezeos, heveos huan jebuseos.

⁹Nopa tanahuatiani cati Josué huan nopa israelitame quintanque el- que nopa tanahuatiani ten ni al- tepeme:

- 10 Jerusalén, Hebrón,
- 11 Jarmut, Laquis,
- 12 Eglón, Gezer,
- 13 Debir, Geder,
- 14 Horma, Arad,
- 15 Libna huan Adulam,
- 16 Macea, Betel,
- 17 Tapúa, Hefer,
- 18 Afec, Sarón,
- 19 Madón, Hazor,
- 20 Simron Merón, Acsaf,
- 21 Taanac, Meguido,
- 22 Cedes, Jocneam ipan Carmelo,
- 23 Dor ipan tali Dor,
Goim ipan tali Gilgal,
- 24 huan nojquiya nopa tanahuatijquet ipan altepet Tirsa.

Elque 31 tanahuatiani para nochí cati Josué huan nopa israelitame quintanque.

Nopa talme cati polihui quitanise israelitame

13 Huan quema Josué ya eliyaya hue- huentzi, TOTECO quihilui: “Ta ya tihuehuentzi huan noja mocahua miyac talme para anquitanise. Ya ni cati polihui:

²Nochí inintal nopa filisteos, nochí inintal nopa gesureos, ³nochí nopa tali cati ama iniaxca nopa cananeos cati pehaua campa temo tonati ica hueyat Si- hor ipan inepa tali Egipto huan ica nor- te yahui hasta inepantipa tali Ecrón. Nojquiya polihui nopa macuili altepe- me ten nopa filisteos: Gaza, Asdod, As- calón, Gat huan Ecrón. Huan ica sur

polihui nopa tali ten nopa aveos, ⁴huan ica sur, nochi inintal cananeos ica nopa altepet Mehara cati nelía eli-yaya iniaxca nopa sidonios huan nochi nopa tali ica norte hasta Afec campa inepa inintal nopa amorreos. ⁵Nojquiya polihui inintal nopa giblitame ica nochi tali Líbano para campa quisa tonati. Nopa tali pehua ica altepet Baal Gad itzinta tepet Hermón huan yahui hasta campa se hueli calaqui ipan Hamat ica norte.

⁶“Nojquiya polihui nochi inintal nopa sidonios cati itztoque ipan nopa tepeme tatajco Líbano huan Misrefotmaim.

“Na niquinquixtis nochi ni masehualme amoixpa anisraelitame. Huajca monequi nojquiya anmoilhuese quenicatza anquinmajmacase nochi ni talme quej nimitznahuatijtoc. ⁷Xijxelo ni tali ica nopa chicnahui huejhueyi familias cati ayemo quiselijtoque tali huan ica ne seyoc tajco nopa hueyi familia Manasés cati amo quiselijtoc.”

Inintal Manasés, Rubén huan Gad

⁸Nopa hueyi familia Rubén huan Gad, huan tajco nopa hueyi familia Manasés ya quiselijque inintal pampa Moisés, itequipanoja TOTECO, quinmacac nopa tali cati elis iniaxca nopona ipan nese inaliyo hueyat Jordán para campa quisa tonati.

⁹Inintal ajsi ica sur huan campa quisa tonati hasta altepet Aroer iteno nopa hueyat Arnón. Nojquiya quipyia nopa altepet tatajco nopa tamayamit Arnón, huan quipyia nochi nopa tamayamit ten altepet Dibón campa sur hasta altepet Medeba más ica norte. ¹⁰Huan inintal ajsi ica campa quisa tonati hasta ininepantipa Amón. Inintal quipyia nochi nopa altepeme cati nopa Tanahuatijquet Sehón ten nopa amorreos quinahuati. Sehón mosehui ipan altepet Hesbón para tanahuatis. ¹¹Nopa tali nojquiya quipyia Galaad, inintal nopa gesureos huan maacateos. Quipyia nochi nopa tepet Hermón huan nochi tali Basán cati ontantoc hasta Salca, ¹²huan nochi itanahuatilis Oг, nopa

tanahuatijquet ten tali Basán cati mosehui para tanahuatis ipan altepet Astarot huan Edrei. (Huan Og eliyaya nopa iyotzi huejcapantic refáita tacat cati mocajqui pampa Moisés quintehuitoya huan quinmicti.) ¹³Pero nopa israelitame amo quinquixtique nopa gesureos huan maacateos, huan yeca inijuanti itztoque inihuaya israelitame hasta ama.

Inintal iteipan ixhuihua Leví

¹⁴Quema quinmajmacayaya nopa huejhueyi familias inintal, amo teno quiselijque iteipan ixhuihua Leví. Monequiyaya nopa levitame quiselisquíaj nochi nopa tacajcahualisti tatatili cati israelitame quitencahuasquíaj iixpa TOTECO Dios. Huan TOTECO quinahuati para nopa tacajcahualisti elisquía iniaxca quej ipataca se tali.

Inintal iteipan ixhuihua Rubén

¹⁵Ya ni nopa tali cati Moisés quimacac nopa hueyi familia Rubén quej imiyaca imasehualhua.

¹⁶Quinmacac nopa tali cati pehua ipan altepet Aroer ipan iteno nopa tamayamit Arnón, huan nopa altepet cati eltoc tatajco nopa tamayamit ihuaya nochi nopa tamayamit nechca Medeba.

¹⁷Huan inintal quipyia altepet Hesbón huan nochi pilaltepetzitzí cati eltoc ipan nopa tamayamit. Nopa pilaltepetzitzí eliyaya Dibón, Bamot Baal, Bet Baal Meón, ¹⁸Jahaza, Cademot, Mefaat, ¹⁹Quiriataim, Sibma huan Zaret Sahar cati mohahua ipan nopa tepet ipan nopa hueyi tamayamit. ²⁰Inintal nojquiya quipyia altepeme: Bet Peor, Bet Jesimot, nopa taixtemolis ipan tepet Pisga, ²¹huan nochi nopa altepeme cati eltoc ipan tamayamit. Huan quipyia nochi itanahuatilis Sehón inintanahuatijca nopa amorreos cati mosehui para tanahuatis ipan altepet Hesbón. Moisés quintantoya Sehón huan nopa tayacanani ipan Madián cati itztoyaj ipan ital huan quipalehuiyaj. Intocca eliyaya Evi, Requem, Zur, Hur huan Reba. ²²Nojquiya nopa israelitame quimictijque Balaam, nopa tetonal tachí-

lijquet cati elqui icone Beor. ²³Huan nochí nopa talme cati quiseli nopa hueyi familia Rubén tanqui campa iteno hueyat Jordán. Nopa altepeme huan pilaltepetzitzí cati eltoya ipan nopa tali, quiselijque nopa familias cati iteipan ixhuihua Rubén.

Inintal iteipan ixhuihua Gad

²⁴Ya ni nopa tali cati Moisés quimacac nopa hueyi familia Gad quej inimiyaca imasehualhua.

²⁵Quimacac altepet Jazer, huan nochí nopa altepeme ipan tali Galaad huan tajco ten inintal nopa amonitame cati ajsic hasta nopa seyoc altepet Aroer cati mocahua nechca altepet Rabá pero quentzi más para campa quisa tonati. ²⁶Huan nojquia quiselijque nopa tali cati pejqui ipan altepet Hesbón huan yajqui hasta altepeme Ramat Mizpa huan Betonim, huan cati pehua ica altepet Mahanaim huan yahui hasta inepa Debir. ²⁷Huan ipan nopa tamayamit nechca hueyat Jordán nopa hueyi familia Gad nojquia quiselijque altepeme Bet Aram, Bet Nimra, Sucot, Zafón huan nopa tali cati mocahuayaya cati eliyaya iaxca Sehón, nopa tanahuatijquet ten altepet Hesbón. Huan inintal Gad ica campa temo tonati ajsic hasta iteno hueyat Jordán huan yajqui ica norte hasta nopa mantoc at Cineret. ²⁸Nochi ni altepeme ica ininpilaltepehuia quiselijque nopa familias cati eliyaya jiteipan ixhuihua Gad.

Inintal nopa tajco iteipan ixhuihua Manasés

²⁹Huan ya ni nopa tali cati Moisés quimacac nopa tajco hueyi familia Manasés quej imiyaca ifamilias.

³⁰Quinselijque nochi nopa tali cati achtohui eliyaya iaxca Tanahuatijquet Og ipan tali Basán. Inintal pejqui ica altepet Mahanaim huan quipixqui nochi setenta pilaltepetzitzí cati Jair achtohuiya quitantoya ipan tali Basán. ³¹Nojquia quipixqui tajco tali Galaad huan nopa altepeme Astarot huan Edrei campa mo-

sehui Tanahuatijquet Og para tanahuatís. Nochi ni tali elqui iniaxaca iteipan ixhuihua Maquir cati elqui icone Manasés huecjajquiya huan quinmajmacac quej inimiyaca inifamilias.

³²Huajca nochi ya ni nopa talme cati Moisés temacac ipan itamayantipa tali Moab ipan iteno hueyat Jordán campa quisa tonati imelac Jericó ipan seyoc nali. ³³Pero Moisés amo quinmacac iteipan ixhuihua Leví yon se inintal. Pero quej ipataca se inintal quinilhui para quiselise TOTECO toDIOS tiisraelitame quej iniaxca huan amo tali.

Quinxejxelhuilijque nopa tali ipan Canaán

14 Ya ni nopa talme ipan tali Canaán cati quinxejxelhuilijque nopa israelitame ipan nopa chicnahui huan tajco hueyhueyi familias cati ayemo quiselijayaj cati elis iniaxca. Huan Josué, nopa hueyi totajtzi Eleazar, huan nopa tayacanquet ipan sesen hueyi familia quipixque nopa tequit para quinmajmacase nopa tali. ²Achtohui mahuitijque ica piltetzitzí huan ica ya nopa TOTECO quinexti taya hueyi familia quiselisquía sesen tali, pampa quej nopa TOTECO quinahuatijtoya Moisés ma quichihua. ³Huan ipan seyoc inaliyo hueyat Jordán para campa quisa tonati, Moisés ya quinmacatoya tali nopa huejhueyi familias Rubén huan Gad huan tajco nopa hueyi familia Manasés. Pero nopa levitame amo quinmacac tali. ⁴Pampa José quipixqui ome itelpocahua huecjajquiya cati intocata Manasés huan Efraín, huan injuanti mochijque ome huejhueyi familias quej ipataca iteipan ixhuihua Leví cati amo quinpojqui inihuaya nopa 12 huejhueyi familias. Huan nopa tayacanani amo quinmacaque iteipan ixhuihua Leví se tali. San quinmacaque altepeme para ipan itztose ica quentzi potreros nechca para quiniscaltise tapiyalme. ⁵Huajca nopa israelitame quixeloque nopa tali quej TOTECO quinahuatijtoya Moisés.

Caleb tajtanqui se ital

⁶Se tonali sequij iteipan ixhuihua Judá yajque campa Josué ipan Gilgal. Huan se

ten injuanti cati itoca Caleb cati elqui itel-poca Jefone huan iixhui Cenez quiilhui Josué: “Xiquelnamiqui cati TOTECO quiilhui Moisés ipan Cades Barnea ten ta huan na. ⁷Na nijpiyayaya 20 xihuit quema Moisés techtitlanqui Cades Barnea para ma tijtachilitij nopa tali cati TOTECO techmacasquía. Huan quema sempa nihuallajqui, niquilhui cati nijmatqui ipan noyolo para melahuac. ⁸Pero injuanti cati yajque nohuaya quichijke ma momajmatica nopa masehualme. Quinilhuique amo huelis tijtanise. Pero na nijtoquila TOTECO Dios ica nochi noyolo. ⁹Huajca Moisés quitestigoquetzqui TOTECO huan techilhui: ‘Nochi nopa tali cati ipan tinejnentoc elis moaxca ta huan moixhuihua para nochipa, pampa timotemachi ipan TOTECO Dios ica nochi moyolo.’

¹⁰“Quej nopa techilhui. Ya nopa quipiyá 45 xihuit. Huan quej quijito TOTECO, yaya nechcahuilijtoc ma niitzto nochi nopa xihuit ten quema tiisraelitame tinemiyayaj ipan huactoc tali huan hasta ama. Huan ama xiquita, ya nijpixtoc 85 xihuit. ¹¹Huan noja nijpiya chicahualisti quej quema Moisés techtitlanqui ma nijtachiliti ni tali. Huan noja hueli ninejnemi cuali huan nitatehuía quej ipan nopa tonali. ¹²Huajca nimitztajtánia, techmaca nopa tepeyo cati TOTECO techilhui techmacasquía ipan nopa tonali. Tiquelnamiqui nepa tiquinpanijque iixhuihua nopa huejcapantic tacat Anac. Huan nopona oncayaya huejhueyi altepeme cati tzactoc ica tepamit cati cuali tachihualli, pero sintia TOTECO techpalehuis, niquinquixtis quej ya techilhuijtoc ma tijchihuaca.”

¹³Huajca Josué quitiochijqui Caleb, huan quimacac nopa altepet Hebrón para elis iaxca huan iniaxca iteipan ixhuihua. ¹⁴Yeca nopa tali eltoc iaxca Caleb huan iteipan ixhuihua hasta ama, pampa ica nochi iyolo Caleb quitoquili TOTECO Dios cati tiisraelitame tijtequipanohuaj. ¹⁵Achtohui Hebrón itoca eliyaya Quiriat Arba, (Quiriat Arba quinequi quijitos alaltepe Arba) pampa Arba elqui nopa tacat cati más hueyi ipan nopa anaceo masehualme.

Huan tanqui nochi tatehuilisti, huan oncac tasehuilisti ipan nopa tali.

Inintal iteipan ixhuihua Judá

15 Ya ni nopa tali cati TOTECO quinexti ipan nopa sorteo para ma quimacaca nopa hueyi familia Judá. Inintal pejqui ica campa quisa tonati ica inepa tali Edom huan quiixcottona nopa huactoc tali Zin ica sur.

²Quijitosnequi ininepa Judá ica sur pejqui ica nopa Hueyi At Mictoc campa inaliyo ica sur, ³huan yahui quentzi más ica sur ipan nopa taixtemolis Acrambim, huan quipano nopa huactoc tali Zin hasta ica sur ten Cades Barnea huan hasta Hezrón. Teipa ininepa tejco hasta Adar huan teipa tayahualohua hasta Carca. ⁴Ten nopona ininepa Judá yahui hasta Asmón huan hasta nopa atajti ten Egipto huan quitoquilía hasta nopa hueyi at cati itoca Mediterráneo. Ya ni ininepa ica sur.

⁵Huan ininepa Judá ica campa quisa tonati eltoc iteno nopa Hueyi At Mictoc quej yahui ica norte hasta campa hueyat Jordán calaqui ipan Hueyi At Mictoc.

Nopona campa calaqui ne hueyat pejtehua ininepa ica norte. ⁶Teipa ininepa tejco hasta Bet Hogla huan pano ica norte ten Bet Arabá, huan teipa yahui campa eltoc nopa tet cati iaxca eliyaya Bohán, icono Rubén. ⁷Teipa nopa nepamit tejco ipan nopa tamayamit Acor hasta altepet Debir, huan teipa yahui ica norte hasta sempa ajsi ipan Gilgal imelac nopa taixtemolis Adumín cati mocahua ica sur ten nopa atajti. Teipa nopa nepamit pano campa meya nopa at campa itoca En Semes huan yahui hasta En Rogel. ⁸Huan ten nopona ininepa pano ipan nopa tamaya Benhínom cati mocahua ica sur ten nopa taixtemolis nechca Jebús. (Jebús ama itoca Jerusalén.) Teipa tejco nopa nepamit para campa temo tonati hasta itzompac nopa tepet ipan tamaya Hinom huan yahui ica norte ipan tamaya Refaim hasta itamiya. ⁹Huan ten itzompac nopa tepet ininepa Judá yahui huijcoltic hasta campa meya nopa At ten Neftoa. Teipa yahui hasta nopa altepeme ipan tepet Efrón. Huan teipa

ininepa yahui huijcoltic ica norte hasta Baala cati nojquiya itoca Quiriat Je-arim.¹⁰ Teipa ininepa iteipan ixhuihua Judá quiyahualojtoya ten Baala para campa temo tonati hasta tepet Seir huan hasta itaixtemolis tepet Jearim o Quesalón ica norte, huan teipa ininepa temo hasta Bet Semes huan hasta Tim-na.¹¹ Teipa ininepa yahui ipan nopa taixtémolis Ecrón ica norte huan yahui huijcoltic hasta Sícrón huan hasta tepet Baala huan hasta Jabneel huan ontami ica nopa Mediterráneo hueyi at.

¹²Huan ininepa Judá para campa temo tonati ya nopa iteno nopa hueyi at.

Huajca nochí ya ni inepa ital nopa hueyi familia Judá ica nochí ininteipan ixhuihua.

Ital Caleb

(Jue. 1:10-15)

¹³Huan TOTECO quillhui Josué ma quimaca Caleb itelpoca Jefone se tali ipan inintal iteipan ixhuihua Judá. Huajca quimacac altepet Quiriat Arba (Arba elqui itata Anac) cati nojquiya itoca altepet Hebrón.¹⁴ Huan Caleb quinquixti ten Hebrón nopa eyi itelpocahua Anac cati inintoca Sesai, Ahimán huan Talmai, huan moaxcati nopa altepet.¹⁵ Huan Caleb quisqui ten nopona huan quintehuito nopa tacame ipan nopa altepet Debir cati achtohuiya itoca eliyaya Quiriat Sefer.¹⁶ Huan Caleb quinyolmelajqui isoldados para quimacas iichpoca, Acsa, para mochihuas isihua nopa tacat cati quitanisquia nopa altepet Debir.¹⁷ Huan quitanito Otoniel itelpoca Cenaz cati eliyaya iicni Caleb. Huan huajca Caleb quimacac iichpoca Acsa para elis isihua Otoniel.¹⁸ Huan ipan nopa netahuicaltili quema nopa telpocat quihuicayaya isihua, quillhui ma quitajtani itata se quentzi más tali quej se nemacti. Huajca Acsa temoc ten iburro para quicamanalhui itata Caleb. Huan itata quitatzintoquili:

—¿Taya tijnequi?

¹⁹Huan nopa ichpocat quinanquili:

—Nijnequi para ma nesi techtiochijtoc, techmaca seyoc nemacti. Nopa tali cati

techmacatoc huactoc huan amo teno hueli eli nopona, huajca nojquiya techmactili se tali ica se ome ameli.

Huajca Caleb quimacac nopa ameli cati eltoc ica norte huan cati eltoc ica sur.

Inialtepehua iteipan ixhuihua Judá

²⁰Nica nimitzilhuis nopa altepeme cati iteipan ixhuihua Judá quiselijque.

²¹Ica sur nechca Edom quiselijque ni altepeme:

Cabseel, Edar, Jagur, ²²Cina, Dimona, Adada, ²³Cedes, Hazor, Itnán, ²⁴Zif, Telem, Bealot, ²⁵Hazor Hadata, Queriot, Hezrón (cati nojquiya itoca Hazor), ²⁶Amam, Sema, Molada, ²⁷Hazar Gada, Hesmó, Bet Pelet, ²⁸Hazar Sual, Beerseba, Bizotia, ²⁹Bala, Iim, Esem, ³⁰Eltolad, Quesil, Hormá, ³¹Siclag, Madmana, Sansana, ³²Lebaot, Silhim, Aín huan Rimón. Huajca elqui ²⁹altepeme huan ininpilaltepehua.

³³Ipan tamayamit quiselijque ni altepeme:

Estaol, Zora, Asenat, ³⁴Zanoa, En Ganim, Tapúa, Enam, ³⁵Jarmut, Adulam, Soco, Azeca, ³⁶Saaraaim, Aditaim, Gedera huan Gederotaim. Huajca elqui ¹⁴ altepeme huan ininpilaltepehua ipan tamayamit.

³⁷Huan nojquiya ipan tamayamit eltoya ni altepeme: Zenán, Hadasa, Migdal Gad, ³⁸Dileán, Mizpa, Joceteel, ³⁹Laquis, Boscat, Eglón, ⁴⁰Cabón, Lah-mam, Quitlis, ⁴¹Gederot, Bet Dagón, Naama huan Macea. Huajca ya ni elqui ¹⁶ altepeme ica ininpilaltepehua.

⁴²Nojquiya Libna, Eter, Asán, ⁴³Jifa, Asenat, Nezib, ⁴⁴Keila, Aczib huan Maresa. Huajca mochijqui chicnahui altepeme huan ininpilaltepehua.

⁴⁵Nojquiya quiselijque Ecrón huan nochí nopa altepeme huan nopa pilaltepetzitzí cati eltoya nechca.⁴⁶ Huan ten altepet Ecrón inepa tali Judá yajqui hasta nopa Hueyi At Mediterráneo huan quipixqui nochí nopa altepeme nechca altepet Asdod ica ininpilaltepehua.⁴⁷ Huajca npona Judá quipixqui

altepeta Asdot ica ipilaltepehua huan Gaza ica ipilaltepehua huan nochí tali hasta hueyat Egipto ica sur huan hasta iteno nopa hueyi at Mediterráneo.

48 Campa tepeme quiselijque ni altepeme ica nochí ininpilaltepehua:

Samir, Jatir, Soco, **49** Dana, Quiriat Sana (cati nojquiya itoca Debir), **50** Anab, Estemoa, Anim, **51** Gosén, Holón huan Gilo. Huajca ya ni mochijqui 11 altepeme ica ininpilaltepehua.

52 Huan quiselijque Arab, Duma, Esán, **53** Janum, Bet Tapúa, Afeca, **54** Humta, Quiriat Arba (cati nojquiya itoca Hebrón), huan Sior. Huajca ya ni mochijqui chicnahui altepeme ica ininpilaltepehua.

55 Nojquiya quiselijque Maón, Carmel, Zif, Juta, **56** Jezreel, Jocdeam, Zanoa, **57** Caín, Gabaa, Timna. Huajca mochijqui majtacti altepeme huan ininpilaltepehua.

58 Nojquiya quiseli Halhul, Bet Sur, Gedor, **59** Maarat, Bet Anot, Eltecón. Huajca ya ni mochijqui chicuase altepeme huan ininpilaltepehua.

60 Nojquiya quiselijque altepeme Quiriat Baal (cati nojquiya itoca Quiriat Jearim) huan Rabá ihuaya ininpilaltepehua. Huajca ya ni mochijqui ome altepeme.

61 Ipan nopa huactoc tali quiselijque ni altepeme:

Bet Arabá, Midín, Secaca, **62** Nibsán, nopa cati itoca Altepeta ten Istat huan Engadi. Huajca mochijqui chicuase altepeme huan ininpilaltepehua.

63 Pero iteipan ixhuihua Judá amo huelqui quinquitijque nopa jebuseos cati itztoyaj ipan altepet Jerusalén. Huajca nopa jebuseos noja itztoque npona inihuaya iteipan ixhuihua Judá hasta ama.

Inintal iteipan ixhuihua José

16 Huan nopa sorteó quinexti para iteipan ixhuihua itelpocahua José ma quiselica se tali cati quipixqui inepa ica sur.

Pejtejqui ica iteno hueyat Jordán campa altepet Jericó huan quentzi más

para campa quisa tonati ten ameli Jericó. Huan ininepa teipa panoc ipan huactoc tali huan yajqui ica norte ten Jericó hasta nopa tepeyo Betel. **2**Huan ten Betel cati nojquiya quiilhuíaj Luz panoc hasta Atarot ipan inintal arquitame. **3**Teipa ininepa yahui para campa temo tonati hasta inintal nopa jafletitame huan hasta inepa Bet Horón Cati Tatzinta huan hasta Gezer. Huan teipa yahui hasta nopa Mediterráneo hueyi at.

4Huajca nopa ome huejhueyi familias, Manasés huan Efraín, quiselijque ni tali para iniaxca. Nochi injuanti iteipan ixhuihua José cati huecjajquiya itztoya.

Inintal iteipan ixhuihua Efraín

5Ama nimechilhuis catijqui tali quiselijque iteipan ixhuihua Efraín.

Ininepa ica campa quisa tonati pejtehua ica altepet Atarot Adar huan yajqui hasta Bet Horón Cati Huejcapa, **6**huan teipa yahui hasta Hueyi At Mediterráneo campa temo tonati. Huan ininepa ica norte pehua npona ipan nopa hueyi at, huan yahui para campa quisa tonati hasta Micmetat ica norte huan pano hasta Taanat Silo huan Janoa. **7**Huan inepa quisa Janoa, huan yahui ica sur hasta Atarot huan Naarat, huan pano iteno altepet Jericó huan onquisa campa hueyat Jordán. **8**Huan nopa nepamit ica norte cati eltoya más para campa temo tonati pehua ica Tapúa huan quitoquilía nopa pilatajtzi cati itoca Caná para campa temo tonati hasta nopa Hueyi At Mediterráneo. Huan ya ni elqui nopa tali cati quiselijque iteipan ixhuihua Efraín huan ihueyaca nopa tali elqui quej imiyaca inifamilias. **9**Nojquiya Efraín iteipan ixhuihua quiselijque sequij altepeme ipan nopa tali cati quintocaro nopa tajco hueyi familia Manasés.

10Pero iteipan ixhuihua Efraín amo huelque quinquitíaj nopa cananeos cati itztoque ipan altepet Gezer. Yeca nopa cananeos noja itztoque inihuaya israelitame huan quintequipanohuaj.

**Inintal nopa seyoc tajco
ten nopa hueyi familia Manasés**

17 Ama nimechilhuis catijqui tali qui-selijque iteipan ixhuihua Manasés cati elqui iachtohui cone José huejcajqui-ya. Manasés huejcajquiya quipixqui iach-tohui cone cati itoca Maquir. Huan Ma-quir cuali quimatiyaya tatehuúa. Huan Maquir ihuaya itelpoca Galaad huan iniix-huihua ya quiselijtoyaj inintal ipan seyoc nali Jordán para campa quisa tonati cati ama itoca nopa talme Galaad huan Basán. **2** Huajca ama ipan ni inaliyo Jordán para campa temo tonati san quixelohuayaj tali ica iteipan ixhuihua Manasés cati quisque ten itelpocahua cati inintoca eli-yaya Abiezer, Helec, Asriel, Siquem, He-fer, huan Semida. Ya ni inintoca itaca ix-huihua Manasés, icono José, huan sesen quipixqui miyac iteipan ixhuihua.

3 Pero se iteipan ixhui Manasés cati ito-ca Zelofehad amo quipixqui yon se oquichpil. Zelofehad elqui icono Hefer huan iixhui Galaad, huan iteipan ixhui Maquir cati elqui icono Manasés huejcaj-quiya. Zelofehad san quinpixqui macultí ichpocame cati inintoca eliyya Maala, Noa, Hogla, Milca huan Tirsa. **4** Huan nopa ichpocame yajque iixpa totajtzi Eleazar huan Josué, icono Nun, huan quinlhuij-que: “TOTECO quinahuati Moisés ma tech-mactili tali quej quiselisquíaj sequinoc ix-huime ipan tohueyi familia.”

Huajca quej TOTECO tanahuatijtoya, Josué quinmacac tali quej ihuexca cati quiselijque inintiojhua.

5 Huajca iteipan ixhuihua Manasés quiselijque majtacti huejhueyi talme. Iyoca nojquiya quiselijque nopa talme Galaad huan Basán cati mocahua ipan seyoc inaliyo Jordán para campa quisa tonati, **6** pampa ni ichpocame cati iteipan ixhuihua Manasés nojquiya quiselijque tali para iniaxca ica tacame cati iteipan ixhuihua.

7 Huan nopa tali cati quiselijque iteipan ixhuihua Manasés quipixqui inepa ica norte huan quentzi más para campa temo tonati cati pejqui ica ital hueyi fa-milia Aser. Huan ital Manasés yajqui

ten inepa ica Aser ica sur hasta altepet Micmetat cati eltoya iixmelac Siquem para campa quisa tonati. Huan ten Mic-metat inepa yajqui ica sur hasta nopa tali campa itztoyaj Tapúa ehuaní. **8** (Nopa tali Tapúa eliyaya iaxca Mana-sés, pero altepet Tapúa eliyaya iniaxca iteipan ixhuihua Efraín masque mocaj-qui ipan inepa ital Manasés.) **9-10** Teipa inepa Manasés quitoquili iteno ica nor-te ten nopa pilatajtzi Caná huan onqui-sayaya hasta campa nopa Hueyi At Me-diterráneo. (Sequij altepeme cati elto-yaj ica sur ten nopa pilatajtzi eliyaya iaxca nopa hueyi familia Efraín masque eltoya ipan ital Manasés.) Huajca ital Efraín eltoya iteno ica sur. Huan ica norte iteno eltoya inintal iteipan ixhui-hua Manasés huan nopa hueyi at eltoya ininepa ica campa temo tonati. Huan ininepa Manasés ica norte huan quen-tzi para campa temo tonati monepantía ihuaya inintal iteipan ixhuihua Aser. Huan ica norte huan quentzi para cam-pa quisa tonati monepantía ihuaya inintal iteipan ixhuihua Isacar.

11 Huan iteipan ixhuihua Manasés nojquiya quiselijque altepeme ipan inintal nopa huejhueyi familias Isacar huan Aser. Huan nopa altepeme ininto-ca Bet Seán, Ibleam, Dor (cati eliyaya se atajti), Endor, Taanac huan Me-guido. Huan ica sese altepet nojquiya quiselijque nochí ininpilaltepehua cati quinjahualojtoya.

12 Pero iteipan ixhuihua Manasés amo huelque moaxcatijque nochí nopa altepeme pampa nopa cananeos mocaj-que nopona huan amo huelque quin-quixtijque. **13** Pero teipa quema nopa israelitame quentzi más motananque, quinchihualtijque nopa cananeos ma quintequipanoca san tapic; pero amo nelía quinquixtijque.

Inintal iteipan ixhuihua José

14 Huan iteipan ixhuihua José cati noj-quiya eliyayaq ininteipan ixhuihua Mana-sés huan Efraín yajque quicamanalhuitoj Josué huan quiilhuijque:

—¿Para ten techmacac san se piltaltzi huan TOTECO techtiochijtoc hasta techchijtoc timiyaqui?

15 Huan Josué quinnanquili:

—Sinta nelía anmiyaqui huan amo amechaxilía nopa tali, huajca monequi xitejcoa campa nochí nopa cuame cati ini-axca ferezos huan refáitame huan nopo-na xitatzon-tequica huan ximoaxcatica.

16 Huan iteipan ixhuihua José tanan-quilique:

—Yon nopa hueyi cuatitamit amo tech-axilis. Huan nochí nopa cananeos cati itz-toque campa tamayamit quipiyaj tepos ca-rrros para tatehuise. Huan nojquiya quipi-yaj tepos carros cati itztoque ipan Bet Se-án huan ipilaltepehua huan cati itztoque ipan tamayamit Jezreel.

17 Huajca Josué quinnanquili ininte-ipan ixhuihua Efraín huan Manasés huan quinilhui:

—Anmiyaqui huan anquipiyaj miyac chicahualisti. Amo san anquiselise se piltaltzi,¹⁸ pero nojquiya anmoaxcatise nopa hueyi cuatitamit. Xitatzon-tequica hasta campa inepa ica norte. Masque nopa cananeos quipiyaj tepos carros huan nelitetique, njimati anhuelise anquin-quixtise.

Quenicatza quixelo que nopa tali cati mocajqui

18 Huan quema tantoya quixelohuaj nopa tali, nochí israelitame mosen-tilique nechca altepet Silo para quie-tzase nopa yoyon tiopamit campa TOTECO mopantiyaya inihuaya. **2**Huan masque nopa israelitame quipixque tequiticayot ipan nochí nopa tali, masehualme ipan chicome huejhueyi familias ayemo quise-litoyaj inintal.

3Huajca Josué quinilhui nopa israelita-me: “¿Hasta quema huelis anquichiyase para anmoaxcatise nopa tali cati amech-macatoc TOTECO Dios yaya, cati quitequi-pano que amotatahua? **4-5**Nopa hueyi fa-milia Judá ya quipiya ital ica sur huan ite-ipan ixhuihua José ya quipiyaj inintal ica norte. Pero monequi sesen ten nopa chico-me huejhueyi familias cati ayemo quiselij-

toque inintal ma quintapejpenica eyi tacame huan techtitanilise. Huan na niqinti-tanis ipan nopa tali cati polihui timoaxca-tise. Huan injuanti quicotonase nopa tali ica chicome tacotonti. Huan quitachilijti-nemise nopa tali, **6**huan quichihuase se ii-xcopinca nopa tali huan quiijcuilose ine-pa nopa tali cati quinequij quiselise huan techhualquilise. Huan njitalis iixpa TOTECO Dios huan nimahuiltis ica nopa pil-tetetzti para niqutas ajquiya quiselis se-sen tali. **7**Pero iteipan ixhuihua Leví amo quipiyase se tali cati moaxcatise pampa quipiyase inintequi para quitequipanose TOTECO quej totajtzitzti para quiselise nopa tacajcahualisti huan ya nopa elis nopa tatiochihualisti cati TOTECO quinmaca. Huan Moisés, itequipanojca TOTECO, ya quinmactilijtoc iteipan ixhuihua Gad huan Rubén huan tajco iteipan ixhuihua Manasés inintal ipan seyoc inaliyo hueyat Jordán para campa quisa tonati.”

8Huajca Josué quinilhui nopa tacame cati quintapejpenijtoyaj: “Xipanotinemica ipan nochí nopa tali huan xiquixcopinaca ipan se amat huan xiquijcuiloca quenica-tza ihuexca. Teipa techhualquilica, huan nimahuiltis iixpa TOTECO nica ipan Silo para ma technextili quenicatza nimech-mactilis sese amojuanti cati elis amoaxca-hua.”

9Huajca nopa tacame quitachilijtinen-que nopa tali huan quitamachijque huan quicotonque ica chicome tacotonti. Huan quiijcuilojque sese altepet cati eltoya ipan sese tacotonti. Huan teipa sempa yajque campa Josué itztoya ipan Silo. **10**Huan Josué mahuilty ica piltetzitzti iixpa TOTECO para quimatis ajquiya quiselis sesen tali. Huan quej TOTECO quinextili, quinmactili inintal sesen hueyi familia ten nopa israelitame, huan ihuexca inintal elqui quej imi-yaca inifamilias.

Inintal iteipan ixhuihua Benjamín

11Huan ajsic tonali para mahuilty para quimatis catijqui tali elis iniaxca iteipan ixhuihua Benjamín. Huan quisqui para el-qui ininaxca se tali cati eltoya tatajco ten inintal iteipan ixhuihua Judá huan José.

¹²Ininepa benjaminitame ica norte pejqui ica hueyat Jordán campa quisa tonati, huan yajqui para campa temo tonati huan ica norte quiixcotonqui altepet Jericó, huan teipa panoc ipan nopa tepe-me hasta ajsic ipan nopa huactoc tali nechca altepet Bet Avén. ¹³Ten nopona ininepa sempa yajqui para altepet Luz (o Betel) huan temoc hasta altepet Atarot Adar ipan nopa tepeyo cati mocahua ica sur ten altepet Bet Horón Cati Tatzinta.

¹⁴Huan ten nopona ininepa iteipan ixhuihua Benjamín quimaca se huelta huan yahui ica sur para quiixcotonas nopa tepeme nechca Bet Horón para campa temo tonati. Teipa ajsi ipan nopa pilaltepetzi cati itoca Quiriat Baal (cati nojquiya itoca Quiriat Jearim), se altepet cati elqui iniaxca iteipan ixhuihua Judá. Ya ni ininepa Benjamín ica campa temo tonati.

¹⁵Huan ininepa benjaminitame ica sur pehua ica Quiriat Jearim huan yahui para campa temo tonati hasta campa nopa ameli cati itoca Neftoa. ¹⁶Teipa ininepa yahui hasta itzinta nopa tepe cati mocahua ica norte ten nopa Tamayamit Refaim campa pehua nopa Tamayamit Hinom. Huan teipa ininepa benjaminitame yahui más ica sur ipan nopa Tamayamit Hinom huan pano ica sur hasta nopa taixtemolis ten nopa altepet cati ama itoca Jerusalén huan teipa yahui más ica sur hasta nopa ameli Rogel. ¹⁷Teipa ininepa benjaminitame quimaca huelta huan yahui ica norte hasta En Semes huan teipa hasta Gelilot cati mocahua iixmelac nopa taixtejcolis para Adumín. Teipa temo más ica sur hasta nopa tet cati itoca Bohán. (Bohán elqui icono Rubén cati huejcajquiya itztoya.) ¹⁸Teipa ininepa pano ica norte iteno nopa tamayamit nechca hueyat Jordán huan teipa quitoquilá nopa taixtemolis hasta nopa tamayamit cati itoca Arabá. ¹⁹Teipa ininepa iteipan ixhuihua Benjamín ica sur pano Bet Hogla ica norte huan ajsi hasta campa hueyat Jordán calaquí ipan nopa Hueyi At Mictoc ica norte.

²⁰Huan ininepa benjaminitame ica campa quisa tonati eltoc hueyat Jordán. Huajca nochí ya ni techilhuijtoc nochí ininepa nopa tali cati iteipan ixhuihua Benjamín quiselijque ica nochí inifamilias.

Inintal iteipan ixhuihua Benjamín

²¹Huan nojquiya quiselijque iteipan ixhuihua Benjamín ni altepeme quej inimiyaca inifamilias. Quiselijque:

Jericó, Bet Hogla, Casis, ²²Bet Arábá, Zemaraim, Betel, ²³Avim, Pará, Ofra, ²⁴Quefar Haamoni, Ofni, huan Geba. Huajca 12 altepeme huan inin-pilaltepehua.

²⁵Nojquiya quiselijque Gabaón, Ramá, Beerot, ²⁶Mizpa, Cafira, Mozah, ²⁷Requem, Irpeel, Tarala, ²⁸Zela, Elef, Jebús (cati nojquiya itoca Jerusalén), Gabaa huan Quiriat. Mochijque 14 altepeme huan iyoca nochí ininpilaltepehua.

Nochi ya ni quiselijque iteipan ixhuihua Benjamín ica nochí inifamilias.

Inintal iteipan ixhuihua Simeón

19 Huan ica ompa mahuitl Josué ica piltetzitzti iixpa TOTECO, huan qui-nextili catijqui tali ma quimaca nopa hueyi familia Simeón ica ihuexca quej imiya-ca inifamilias. Huan quiselijque tali ipan inintal iteipan ixhuihua Judá. ²Cati iteipan ixhuihua Simeón quiselijque elqui nochí ni altepeme ica nochí ininpilaltepehua:

Beer Seba, Seba, Molada, ³Hazar Sual, Bala, Ezem, ⁴Eltolad, Betul, Hormá, ⁵Siclag, Bet Marcabot, Hazar Susa, ⁶Bet Lebaot huan Saruhén. Huajca mo-chijque 13 altepeme ica ininpilaltepehua.

⁷Huan quiselijque Aín, Rimón, Eter huan Asán, nahui altepeme huan inin-pilaltepehua. ⁸Huan iteipan ixhuihua Simeón quiselijque nochí ni altepeme cati más mocajqui ica sur quej altepet Baalat Beer (cati nojquiya itoca Ramat) cati eltoc ipan nopa Neguev.

Nochi ya ni quiselijque iteipan ixhuihua Simeón ica ihuexca quej imiya-

ca inifamilias. ⁹Nopa tali cati quinmaque, quiquixtijque ten nopa tali cati quiselijtoyaj iteipan ixhuihua Judá pampa nelpano hueyi para injuanti.

Inintal iteipan ixhuihua Zabulón

¹⁰Huan ica expa mahultí ica piltetzitzti iixpa TOTECO, huan quinexti catijqui tali ma quimaca nopa hueyi familia Zabulón ica ihuexca quej imiyaca inifamilias.

Huan ininepa iteipan ixhuihua Zabulón ajsic ica sur hasta altepet Sarid, ¹¹huan ten Sarid yajqui para campa temo tonati hasta Marala huan hasta Dabeset huan teipa ajsic campa nopa pilatatzzi nechca Jocneam. ¹²Huan ten Sarid ininepa iteipan ixhuihua Zabulón yajqui para campa quisa tonati hasta campa monepantía ica Quislot Tabor huan teipa ajsic altepet Daberet huan tejcoc hasta altepet Jafía. ¹³Teipa yajqui para campa quisa tonati hasta altepet Gat Hefer, Ita Cazín huan Rimón. Huan teipa quichihua se huelta para yas altepet Nea. ¹⁴Ica norte ininepa iteipan ixhuihua Zabulón yahui hasta altepet Hanatón, huan ontami ica nopa tamayamit cati itoca Jefte El. ¹⁵Huan ipan nopa tali iteipan ixhuihua Zabulón nojquiya quiselijque ni altepeme: Catat, Naalal, Simrón, Idala, huan Belén ihuaya nochí ininpilaltepehua. Huajca ica nopa sequinoc elqui 12 altepeme.

¹⁶Huajca ya ni elqui cati quiselijque iteipan ixhuihua Zabulón huan ihuexca inintal elqui quej imiyaca inifamilias.

Inintal iteipan ixhuihua Isacar

¹⁷Huan ica najpa mahultí Josué ica piltetzitzti iixpa TOTECO, huan quinextili catijqui tali ma quinmaca iteipan ixhuihua Isacar ica ihuexca quej imiyaca inifamilias. ¹⁸Huan ipan nopa tali cati quiselijque iteipan ixhuihua Isacar quipixqui ni 16 altepeme ica ininpilaltepehua:

Jezreel, Quesulot, Sunem, ¹⁹Hafraim, Sihón, Anaharat, ²⁰Rabit, Quisíón, Abey, ²¹Remet, En Ganim, En Hada huan Betpases. ²²Huan ininepa Isacar

ajsic hasta altepeme Tabor, Sahazima huan Bet Semes, huan ontami ipan hueyat Jordán.

²³Nochi ya ni quiselijque iteipan ixhuihua Isacar huan inifamilias cati pej- que ica inihuejcapan tatahua.

Inintal iteipan ixhuihua Aser

²⁴Huan ica macuilpa mahultí Josué ica piltetzitzti iixpa TOTECO, huan quinexti catijqui tali ma quinmaca iteipan ixhuihua Aser ica ihuexca inintal quej imiyaca inifamilias. ²⁵Huan inintal quipixqui ni altepeme:

Helcat, Halí, Betén, Acsaf, ²⁶Alamelec, Amad huan Miseal ipan ininepa ica sur. Huan ininepa para campa temo tonati onajsi hasta altepet Carmelo huan Sihor Libnat. ²⁷Ininepa ica campa quisa tonati yahui ten altepet Betdagón hasta quinamijqui ital Zabulón huan quiajsi nopa tamayamit Jefte El, huan teipa pano ica norte hasta Bet Emec, Neiel, huan hasta Cabul, ²⁸Hebrón, Rehob, Hamón, Caná huan hasta Sidón cati hueyi. ²⁹Teipa ininepa quimacac huelta hasta altepeme Ramá huan Tiro, nopa altepet ica se hueyi tepamit. Huan teipa ininepa ajsic ipan nopa Hueyi At Mediterráneo ipan altepet Hosa. Ni tali nojquiya quipixqui Aczib, ³⁰Uma, Afec huan Rehob.

³¹Huajca ni tali quipixqui 22 altepeme ica nochí ininpilaltepehua huan quiselijque iteipan ixhuihua Aser huan ihuexca inintal elqui quej imiyaca inifamilias.

Inintal iteipan ixhuihua Neftalí

³²Huan ipan nopa chicuasempa huelta mahultí Josué ica piltetzitzti iixpa TOTECO, quinextili catijqui tali ma quinmaca iteipan ixhuihua Neftalí ica ihuexca quej imiyaca inifamilias.

³³Huan ininepa pejqui ica altepet Helef ipan nopa hueyi ahua cuahuit nechca Alón Saananim huan yajqui Adami Neeceb, Jabneel, Lacum, huan onquisa ipan hueyat Jordán. ³⁴Teipa nopa nepamit yajqui para campa temo tonati huan panoc Aznot Tabor huan yajqui hasta

Hucoc. Huan monepantiyaya ica sur ica inintal iteipan ixhuihua Zabulón, huan monepantiyaya ica inintal iteipan ixhuihua Aser ica campa temo tonati. Huan hueyat Jordán eliyaya inepa para campa quisa tonati. ³⁵Huan nopa altepeme cati quinyahualtzactoque ica tepamit elqui Sidim, Zer, Hamat, Racat, Cineret, ³⁶Adama, Ramá, Hazor, ³⁷Cedes, Edrei, En Hazor, ³⁸Irón, Migdal El, Horem, Bet Anat huan Bet Semes. Huajca inintal quipixqui 19 altepeme ica nochí ininpilaltepehua.

³⁹Nochi ni altepeme ica nochí ininpilaltepehua quiselijque iteipan ixhuihua Neftál ica nochí inihuejhueyi familias.

Inintal iteipan ixhuihua Dan

⁴⁰Huan ica chicompa, mahultí Josué ica piltetzitzí iixpa TOTECO, huan quinextili catijqui tali ma quinmaca iteipan ixhuihua Dan quej imiyaca inifamilias. Huajca iteipan ixhuihua Dan quiselijque ni altepeme:

⁴¹Zora, Estaol, Ir Semes, ⁴²Saalabín, Ajalón, Jetla, ⁴³Elón, Timnat, Ecrón, ⁴⁴Elteque, Gibetón, Baalat, ⁴⁵Jehud, Bene Berac, Gat Rimón, ⁴⁶Mejarcón, Racón huan nojquiya nopa tali cati eltoc nechca Jope.

⁴⁷Pero iteipan ixhuihua Dan noja amo moaxcatijtoyaj nochí nopa tali cati quiselijque para iniaxca. Huajca tejcoque huan quintehujque cati itztoyaj ipan tali Lesem huan moaxcatijque huan quintamictijque npona. Huan mocajque para itztose npona, huan teipa quitocaxtijque Lesem, Dan, quej itoca inihuejcapan tata.

⁴⁸Huan nochí ni altepeme ica nochí ininpilaltepehua elqui iniaxcahuia iteipan ixhuihua Dan huan ihuexca inintal elqui quej imiyaca inifamilias.

Ital iteipan ixhuihua Josué

⁴⁹Huan nopa israelitame tanque quieejxelohuaj nopa tali ica nopa 12 huejhueyi familias. Huan teipa iyoca quimactilijque se tali Josué para iaxca. ⁵⁰Huan quej TOTECO quiijto, quimacaque Josué cati

tajtanquisúa. Huajca Josué tajtanqui ma quimacaca altepet Timnat Sera campa tepeyo ipan tali Efraín. Huan quimacaque. Huajca Josué sempa quisencajqui nopa altepet huan npona mocajqui para itztos.

⁵¹Huajca elqui nopa totajtzi Eleazar, Josué huan nochí israelita tayacanani cati mahultijque ica piltetzitzí iixpa TOTECO nechca altepet Silo huan quinmactilijque nopa tali nopa huejhueyi familias. Huan mahultijque calixpa campa calaquiip ipan nopa yoyon tiopamit campa TOTECO mōpantiyaya Inihuaya. Huan tanque quixelohuaj nopa tali.

Altepeme campa hueli momanahuise

(Nm. 35:6-34; Dt. 4:41-43; 19:1-13)

20 Teipa TOTECO quinojnotzqui Josué huan quiilhui: ²“Xiquinilhui nopa israelitame ma quitapejpenica sequij altepeme cati anquintocaxtise ‘altepeme campa hueli momanahuise’ quej achtohuiya nijnahuati Moisés. ³Quej nopa sinta se masehuali quimictis seyoc, masque amo quinequiyaya quimictis, huelis momanahuiti ipan se ten nopa altepeme huan npona amo aqui huelis quimictis para quicuepilise por cati quichijtoc.

⁴“Huan quema se tacat ajisiti para momanahuis ipan se altepet, monequi yas campa nopa caltemit para calaquis ipan nopa altepet campa itztoque nopa huehue tacame huan quinpoohuilis nochí ten panotoc. Huan nopa tayacanani huelis quiselise ipan nopa altepet huan quimacase campa itztos. ⁵Huan sinta se quitoquilis cati quinequi quicuepilis por cati quichijtoc, amo hueli quite-mactilise. Monequi quimanahuise pampa san panoc, amo quinequiyaya temictis huan amo quipiyayaya cualanti ihuaya cati mijqui. ⁶Huan nopa tacat cati temicti monequi mocahuas ipan nopa altepet hasta quinextis iixpa se juez huan nopa masehualme npona para amo elqui itajtacol cati panoc, huan inijuanti nojquiya quiijtose para amo itajtacol. Huan quema ya quitajtolsencajtoque teipa mocahuas npona hasta miquis nopa totajtzi cati más hueyi. Huan teipa, quena, nopa temictijquet huelis tacuepilis ichaj ipan ialtepe campa quistejqui.”

⁷Huajca nopa israelitame quitapejpenijque chicuase altepeme. Quitapejpenijque eyi ipan ni inaliyo para campa temo tonati huan eyi ipan ne seyoc inaliyo hueyat Jordán para campa quisa tonati. Campa temo tonati quitapejpenijque Cedes ica norte ipan tali Galilea ipan nopa tepeyo ipan ital Neftalí, huan altepet Siquem ipan tepeyo ipan ital Efraín huan altepet Quiriat Arba (cati nojquiya itoca Hebrón) ipan nopa tepeyo ipan ital Judá. ⁸Huan ipan neca inaliyo hueyat Jordán para campa quisa tonati quitapejpenijque altepet Beser ipan huactoc tali ipan ital Rubén, huan altepet Ramot ten tali Galaad ipan ital Gad huan altepet Golán ipan tali Basán cati ama inintal nopa tajco iteipan ixhuihua Manasés. ⁹Huajca ni altepeme quintocaxtijque “altepeme campa hueli momanahuise”. Quiiyocatalijque para israelitame huan para nopa seyoc tali ehuani cati itztoyaj inihuaya ma ipan momanahuica sin-ta temictise masque amo quinequiyayaj. Huan se temictijquet motatis ipan se ten ni altepeme para iteixmatcahua nopa mijcatazi cati quinamiqui para momacuepase amo huelise quitacuepilise hasta moquetzas nopona iixpa nopa juez huan nopa masehualme para ma quitajtolsencahuaca sinta nelía quinequiyaya quimictis o amo.

Inialtepehua iteipan ixhuihua Leví

(1 Cr. 6:54-81)

21 Huan nopa tayacanani ten iteipan ixhuihua Leví yajque quiitatoj nopa totajtzi Eleazar, ihuaya Josué huan nochí ne sequinoc tayacanani ipan nochí huejhueyi familias ten israelitame. ²Huan quincamanalhuijque nepa ipan Silo ipan tali Canaán huan quinlhuijque: “TOTECO quinahuati Moisés ma techmactili altepeme campa tiitzose huan potreros campa tacuase totapiyalhua.” ³Huajca nopa israelitame quineltocaque cati TOTECO tana-huatijtoya huan sesen hueyi familia quinmacac nopa levitame sequij altepeme ica ininpotreros ipan inintal.

⁴Leví huejcajquiya quinpixqui eyi itel-pocahua: Coat, Gersón huan Merari. Huan achtohui mahuiltijke ica piltetzitzti para

quimatise catijqui quiselise iteipan ixhuihua Coat cati inintoca eliyaj coitatame. Huan nopa coitatame cati nojquiya eliyaj iteipan ixhuihua Aarón, se iteipan ixhuihua Coat, inijuanti quiselijque 13 altepeme ipan nopa talme cati iniaxca iteipan ixhuihua Judá, Simeón huan Benjamín. ⁵Pero nopa sequinoc coitatame cati amo eliyaj iteipan ixhuihua Aarón quiselijque majtacti altepeme ipan nopa talme cati iniaxca iteipan ixhuihua Efraín, Dan huan nopa tajco iteipan ixhuihua Manasés.

⁶Teipa mahuiltijke ica piltetzitzti para quimatise catijqui quiselise iteipan ixhuihua Gersón, huan quiselijque 13 altepeme ipan nopa talme cati iniaxca iteipan ixhuihua Isacar, Aser, Neftalí huan ne seyoc tajco iteipan ixhuihua Manasés cati mocajque ipan seyoc inaliyo nopa hueyat Jordán ipan tali Basán.

⁷Huan sempa mahuiltijke ica piltetzitzti para quimatise catijqui quiselise iteipan ixhuihua Merari, huan quiselijque 12 altepeme ipan nopa talme cati iniaxca iteipan ixhuihua Gad huan Zabulón.

⁸Huajca quej tenextili nopa piltetzitzti, nopa israelitame quinmactilijque iteipan ixhuihua Leví altepeme huan potreros para inintapiyalhua quej TOTECO quinahuatijtoya Moisés.

⁹⁻¹⁰Huajca nopa piltetzitzti quinexti para coitatame cati iteipan ixhuihua Aarón achtohui ma quiselica inialtepehua. Huajca iteipan ixhuihua Judá huan Simeón quiyyocatalijque altepeme para quinmacase.

¹¹Huan quinmacaque Quiriat Arba ica nochí ipotreros ipan nopa tepeyo ipan ital Judá. Nopa altepet eliyaya itoca Arba pampa Arba elqui itata Anac huan nopa altepet nojquiya itoca Hebrón. ¹²Pero nopa milcahualme cati mocajqui más huejca ten nopa altepet huan ipilaltepehua quinmacaque Caleb, icode Jefone.

¹³Huan Hebrón nojquiya quiselijque iteipan ixhuihua Aarón huan eliyaya se altepet campa hueli momanahuise para ipan momanahuise se tacat cati temictijtoya.

Huan nojquia iteipan ixhuihua Aarón quiselijque Libna, ¹⁴Jatir, Este-moa, ¹⁵Holón, Debir, ¹⁶Aín, Juta, huan Bet Semes ica nochí ininpotreros. Huajca nopa huejhueyi familias Judá huan Simeón quinmactilijque iteipan ixhuihua Leví chicnahui altepeme.

¹⁷Huan nopa hueyi familia Benjamín quinmactilijque nahui altepeme huan ininpotreros: Gabaón, Geba, ¹⁸Anatot huan Almóon.

¹⁹Huajca ica nochí iteipan ixhuihua Aarón quiselijque 13 altepeme ica ininpotreros.

²⁰Huan nica eltoc inintoca nopa nahui altepeme ica ininpotreros cati nopa hueyi familia Efraín quinmacac nopa sequinoc levitame cati eliyaya iteipan ixhuihua Co-at pero amo hualajque ipan Aarón teipa.

²¹Quiselijke Siquem ipan nopa tepeyo ipan ital Efraín cati nojquia eliyaya se altepet campa hueli momanahuise. Huan quiselijque Gezer, ²²Kib-saim huan Bet Horón ica ininpotreros.

²³Huan nopa hueyi familia Dan quinmacac nahui altepeme ica ininpotreros: Elteque, Gibetón, ²⁴Ajalón huan Gat Rimón.

²⁵Huan nopa tajco hueyi familia Manasés ica campa temo tonati quinmacaque ome altepeme ica ininpotreros: Taanac huan Gat Rimón.

²⁶Huajca para nochí nopa sequinoc coitatame quiselijke majtacti altepeme ica ininpotreros.

²⁷Huan nopa levitame cati hualajque ipan icone Leví cati itoca eliyaya Gersón quiselijke ni altepeme:

Nopa tajco ten nopa hueyi familia Manasés cati itztoque ica campa quisa tonati quiselijke ome altepeme ica ininpotreros: Golán ipan tali Basán, se altepet campa hueli momanahuise, huan Beestera.

²⁸Ten nopa hueyi familia Isacar quin selijke nahui altepeme ica ininpotreros: Cisón, Daberat, ²⁹Jarmut huan En Ganim.

³⁰Ten nopa hueyi familia Aser quinse-lijke nahui altepeme ica ininpotreros: Miseal, Abdón, ³¹Helcat huan Rehob.

³²Ten nopa hueyi familia Neftalí quin selijke eyi altepeme ica ininpotreros: Cedes, se para ipan momanahuise ipan tali Galilea, huan Hamot Dor huan Cartán. ³³Huajca ica nochí nopa gersonitame qui selijke 13 altepeme ica ininpotreros.

³⁴Huan nopa levitame cati hualajque ten icone Leví cati itoca Merari quiselijque ni altepeme:

Ten nopa hueyi familia Zabulón quinselijque nahui altepeme ica ininpotreros: Jocneam, Carta, ³⁵Dimna huan Naalal.

³⁶Ten nopa hueyi familia Rubén quinselijque nahui altepeme ica ininpotreros: Beser, Jahaza, ³⁷Cademot huan Mefaat.

³⁸Ten nopa hueyi familia Gad quin selijke nahui altepeme ica ininpotre-ros: Galaad, se altepet campa hueli momanahuise, huan Mahanaim, ³⁹Hes-bón huan Jazer.

⁴⁰Huajca ica nochí iteipan ixhuihua Leví cati hualajque ipan icone Merari huecjajquiya quiselijque 12 altepeme.

⁴¹Huajca para nochí iteipan ixhuihua Leví san sejco quiselijke 48 altepeme, ⁴²huan sese altepet quipixqui ipotberos.

TOTECO quichihua cati quijtohua

⁴³Huajca TOTECO quinmactili nopa israelitame nochí nopa tali cati inihuaya mocajqui inihuejcapan tatahua para quinmacasquía. Huan nopa israelitame nopa na mocajque para itztose. ⁴⁴Huan TOTECO quinmacac tasehuilisti quej quijito. Huan amo aqui huelqui inihuaya moixnamquis para quintehuis pampa TOTECO quinmacac chicahualisti para ma quintanica nochí inincualancaitacahua. ⁴⁵Nochi nopa cuali tamanti cati TOTECO quinilhui quinmacasquía, nochí quinmactili.

Mocuetque ininchajchaj nopa soldados ten seyoc inaliyo Jordán

22 Huan Josué quinsentili nopa solda-dos cati hualajque ipan nopa huejhueyi familias Rubén, Gad huan nopa tajco iteipan ixhuihua Manasés cati mochan-sehuijque campa quisa tonati, ²huan

quinilhui: "Anquineltocaque nochí catí TOTECO quinahuati Moisés xijchihuaca. Huan nochí catí na nimechilhuijtoc, anquichijtoque. ³Amo anquintahuelcajtoque amoicnihua masque miyac tonali titahuijtoque. Anquichijtoque nochí catí amoTECO Dios amechnahuatjtoc. ⁴Ama amoTECO Dios techpalehuijtoc ma titatánica huan techmacatoc tojuanti catí tamoicnihua, tasehuilisti quej techilhui. Huajca ama sempa huelis anyase amo-chajchaj huan amoaltepehua ipan ne se-yoc inaliyo hueyat Jordán para campa quisa tonati campa Moisés itequipanoja TOTECO amechmactili amotal. ⁵San ximocuitahuica xijchihuaca senquisa nochí nopa tanahuatili catí Moisés amechmacac. Xiquicnelica TOTECO Dios huan xinemica ipan iojhui. Xijneltoquilica nochí itanahuatilhua huan san ya xijhueyichihuaca. Xijtequipanoca ica nochí amoyolo huan ica nochí amotonaltzi."

⁶⁻⁷Moisés quinmactilijtoya tajco iteipan ixhuihua Manasés nopa tali Basán campa quisa tonati, pero nese tajco iteipan ixhuihua Manasés quiselijque tali catí Josué quinmacac para campa temo tonati. Huan Josué quintiochijqui huan monahuatijque, ⁸huan quinilhui: "Sempa xi-yaca amochajchaj ica nochí amoricojoy catí anquitantoque ten tocualancaitacahua. Anquinpiyaj tahuel miyac tapiroalme, plata, oro, bronce huan yoyomit. Huajca quema anajsise, xiquinmajmacatij amoicnihua ipan amotal."

⁹Huajca nopa soldados catí eliyayaj iteipan ixhuihua Rubén, Gad huan tajco iteipan ixhuihua Manasés quincajtejque nopa sequinoc israelitame ipan Silo ipan tali Canaán. Huan quiixcotonque hueyat Jordán huan sempa yajque ipan nopa tali catí TOTECO quilhuijtoya Moisés ma quinmacaca.

Nopa taixpamit nechca hueyat Jordán

¹⁰Pero ipan ojti quema noja itztoyaj ipan tali Canaán huan quinechcahuiyaj iteno hueyat Jordán para quiixcotonase, nopa soldados catí eliyayaj iteipan ixhuihua Rubén, Gad huan tajco iteipan ixhui-

hua Manasés quiquetzque se taixpamit catí nelía hueyi. ¹¹Huan quema nopa israelitame campa temo tonati quicajque para iteipan ixhuihua Rubén, Gad huan Manasés quiquetztoyaj se taixpamit ipan inepa Canaán nechca hueyat Jordán, ¹²mosentilijque nochí nropa ipan altepet Silo para quintehuitij. ¹³⁻¹⁴Pero achtohui quititanque Finees, icode totajtzi Eleazar, ica majacti huejhueyi tayacanani, se tayacanquet ten sesen hueyi familia catí mocahuayayaj ipan nopa tali campa temo tonati. Huan ajisque campa itztoyaj iteipan ixhuihua Rubén, Gad huan tajco iteipan ixhuihua Manasés nropa ipan tali Galaad. ¹⁵Huan quema ajsitej ipan tali Galaad, quinilhuijque:

¹⁶—Nochi israelitame catí quitepanitaj TOTECO techtitantoque ma timechatazintoquiliqij: '¿Para ten quej ni antajtacolchihua iixpa TOTECO Dios catí tiisraelitame tijtequipanohuaj huan amoiyocahauaj para amo anquineltocase tohuaya? Anquichijtoque se taixpamit para ma nesi ayecmo anquitepanitaj TOTECO. ¹⁷¿Amo anquielnamiquij nopa tajtacoli catí sequij tacame quichijque ipan Peor quema quinhueyichijque nopa taixcopincayome, huan TOTECO techtatzauculti ica se hueyi cocolisti? Huan hasta ama nopa tajtacoli noja techcocohua. ¹⁸Huan ama amojuanti ¿nojquiya anquinequij amoiyocatalise huan ann moyoltilise ica TOTECO? Huan sinta anmotzontetilaj iixpa ama, mosta yaya cualanis ica nochí tiisraelitame. ¹⁹Huan sinta amo anhuelij anquihueyichihuase TOTECO nropa ipan ne inaliyo Jordán campa quisa tonati pampa anquitaj amo tapajpactic iixpa TOTECO nopa tali catí anquiselijque, huajca xipanoca hasta nese inaliyo ni hueyat campa TOTECO itztoc tohuaya ipan iyoyon tiopa huan tímehmacase tali campa tojuanti. Pero amo ximotzontetilica ica TOTECO yon ica tojuanti. Amo xijquetzaca se taixpamit para seyoc dios catí amo ya TOTECO Dios catí ya quipiya itaixpa. ²⁰¿Amo anquielnamiquij quema Acán, icode Zera, tajtacolchijqui iixpa TOTECO huan quicuic catí quitelchijtoya TOTECO, huan TOTECO techtitani-

li miyac tatzacuiltili nochí tiisraelitame? Amo san mijqui Acán, pero mijque miyac qui israelitame por itajtacol.'

Quichijque nopa taixpamit pampa quiicnelíaj TOTECO

21 Huajca iteipan ixhuihua Rubén, Gad huan tajco iteipan ixhuihua Manasés quinnanquillique nopa tayacanani ten nopa huejhueyi familias ten israelitame huan quinlhuijque:

22 —TOTECO yaya cati quipiya nochí chicahualisti. Yaya cati quinnahuatía nochí cati sequinoc quintocaxtíaj dioses. San yaya TOTECO. Yaya quimati para melahuac tocamanal, huan xijmatica nochí amojuanti nojquiya. Tijtestigojquetzaj TOTECO para amo tijchijtoque ni taixpamit para timoiyocatalise huan timoyoltelilise.

23 Yon amo tijchijtoque para tijcrajtehuase TOTECO o para ipan tijmacase tacajcahualisti tatatili o ten harina, o para onca tayoltalili ihuaya. Sinta quej nopa, huajca amantzi ma techtatzacuilti TOTECO. **24** Pero tijchijque pampa tiquicnelíaj. Timoilhuijque huelis mosta o huicta amoteipan ixhuihua quinlhuijse toteipan ixhuihua para amo quipiyyaj tanahuatili para yase quihueyichihuaj TOTECO Dios cati tiisraelitame tijtequipanohuaj amohuaya nopena ipan amotal. Huelis quinlhuijse toteipan ixhuihua para amo teno quipiyyaj amohuaya. **25** Huelis moilhuijse para TOTECO quitalijtoc ni hueyat Jordán para techiyocacahuase huan quinlhuijse toteipan ixhuihua ten tohuejhueyi familias Rubén, Gad huan tajco ifamilia Manasés para amo teno tijpiyaj ica TOTECO. Huan quej nopa amoteipan ixhuihua quinchihuase toteipan ixhuihua ma ayecmo quitepanitaca TOTECO.

26 —Yeca timoilhuijque más cuali ma tijchihuaca se taixpamit, pero amo para ipan tijtatise o tijtencahuase tacajcahualisti. **27** ¡Amo! Tijchijque nopa taixpamit para ma quinelnamiquilti amoixhuihua huan toteipan ixhuihua para tojuanti nojquiya tijhueyichihuaj TOTECO. Pero san tijcahuase tacajcahualisti iixpa TOTECO ipan iyoyon tiopa campa amojuanti. Huan

amoconeuhua amo huelise quinlhuijse toconeuhua para amo quipiyyaj tanahuatili para quihueyichihuase TOTECO amohuaya. **28** Huan sinta amoixhuihua quej nopa quijjose, toixhuihua quinnanquilise: ‘Xiquitaca ni taixpamit cati totatahua quichijchijtoque quej TOTECO itaixpa, pero amo quichijque para tacajcahualisti tatatili. Quichijchijque san para technextilis para amojuanti huan tojuanti san se tiitztoque.’

29 “Ma amo quema timoilhuica para timohuejatalise ten TOTECO. Amo quema timohuejachihuase ten ya, o tijchihuase se taixpamit para tojuanti totacajcahuialis, yon para tacajcahualisti tatatili, yon tacajcahualisti ten harina. Pampa tijmatij san nopa taixpamit cati eltoc ipan iyoyon tiopa TOTECO Dios quinamiqui para tacajcahualisti.”

Quej nopa quijjotque.

30 Huajca quema nopa totajtzi Finees huan nopa tayacanani ten nopa huejhueyi familias ten israelitame quicajque cati nopa soldados ten Rubén, Gad, huan tajco familia Manasés quijjotque, nelía pajque.

31 Huan nopa totajtzi Finees quinlhui:

—Ama tijmatij temachti TOTECO itztoc ica nochí tojuanti pampa tiquitaj amo antajtacolchijtoque iixpa ya. Huan yeca antechijcuenilijtoque se hueyi tatzacuiltili cati hueltosquía techajsitosquía.

32 Teipa Finees cati eliyaya icona nopa totajtzi Eleazar inihuaya nopa sequinoc tayacanani, quincajtejque nopa soldados ten Rubén, Gad huan tajco nopa familia Manasés ipan tali Galaad huan sempa yajque ipan tali Canaán, huan quinphouilijque nopa israelitame nochí cati panotoya.

33 Huan nochí nopa israelitame nopena pajque miyac ica cati quijjotque, huan quicualitaque cati panotoya. Huan nopa israelitame quihueyichijque Toteco Dios, huan ayecmo moilhuijque para quintehuitij iniicnihua huan quisosolotij nopa tali campa itztoque iteipan ixhuihua Rubén huan Gad. **34** Huajca iteipan ixhuihua Rubén huan Gad quitocaxtalijque nopa taixpamit: “Nopa taixpamit cati techelnamiquiltis.” Pampa quijjotque: “Ijcatoc quej

se testigo para techelnamiquiltis amojuanti huan tojuanti para san TOTECO ya ya DIOS."

Itamiya camanal Josué

23 Huajca ica miyac xihuit TOTECO quinchijqui nopa israelitame ma quintanica nochí inincualancaitacahua huan teipa oncac tasehuilisti ipan inintal. Huan Josué ya eliyaya huehuentzi.² Huajca quinnotzqui nochí jueces, huehue tacame huan tayacanani ipan nochí huejhueyi familias, huan nochí tequichihuani huan quinilhui:

"Níjpiya miyac xihuit huan ya nihuehuentzi.³ Ya anquitztoque cati TOTECO Dios quichijtoc por tojuanti ica nochí nopa masehualme cati ejque ipan ni tali pampa TOTECO Dios tatehui por tojuanti.⁴ Huan ama ya nimechmactili ica rifa nochí tali ten hueyat Jordán hasta nopa Hueyi At Mediterráneo campa oncalaquí tonati. Nimechmactili cati timoaxcatijtoque huan nochí cati noja polihui tijtanise.⁵ Huan yaya TOTECO Dios amoixpa quinquitxis nochí cati noja itztoque npona. Huan quichihuas para anmoaxcatise nopa tali quej yaya tohuaya mocajtoc.

⁶"Huajca ximoyoltetilica. Ximomocuitahuica para anquichihuase nochí cati ijcuilijtoc ipan itanahuatilhua Moisés. Amo ximoyocacahuaca yon quentzi.⁷ Amo teno xijpiyaca ica injuanti cati noja itztoque ipan nopa tali. Amo xiquijtoca inintoca ininteteyohua, yon amo xiquintestigojquetzaca inintaxycopincayohua. Amo xiquinhueyichihuaca, yon amo ximotancuaquetzaca iniixpa.⁸ San xijtoquilijtiyaca TOTECO Dios quej anquichijtoque hasta ama.

⁹"Yaya TOTECO Dios quinquitxijtoc amoixpa miyac masehualme cati nelía tejettique cati camanaltiyayaj miyac camanali huan itztoyaj ipan miyac huejhueyi altepeme. Huan hasta ama amo aquí huelqui amechtani.¹⁰ San setzi ten amojuanti huelis quinmajmatis se mil tacame pampa TOTECO Dios tatehuía por amojuanti quej tohuaya mocajtoc quichihuas.¹¹ Huajca ximomocuitahuica para san xiquicnelica yaya TOTECO Dios.

¹²"Sinta ammoiyocacahuase ten TOTECO huan anmosejcotilise ica injuanti cati noja mocahuaj ipan ni talme, o sinta anmosihuajtise ica iniichpocahua, o sinta anquincahuilise ma mocuilica se israelita ichpocat,¹³ xijmatica para melahuac TOTECO Dios ayecmo quinquitxis ten nopa talme amoixpa. ¡Amo! Huan injuanti elise quej taquetzti huan quichihuase xihuetzica. Amechchihuile quej elisquía se amechhuitequi ipan amocuitapa ica se lazo. Elise quej se huitzti ipan amoixteyol cati tahuel cococ. Miyac amechcuesolmase hasta anmiquise huan ayecmo anitztose ipan nopa tali cati TOTECO Dios amechmacatoc.

¹⁴"Nechca eltoc para nimquis quej panono ica nochí masehualme. Anquimatij ica nochí amoyoltzi huan ica nochí amotonaltzi para amo teno polijtoc cati TOTECO Dios amohuaya mocajtoc. Nochi cati quijito quichihuasquía, yaya quichijtoc.¹⁵ Huan quej TOTECO Dios amechtiochijtoc ica nochí nopa cuali tamanti cati amechtentahuili, nojquiya TOTECO Dios amechhualiquilis nochí nopa fiero tamanti cati quijtojtoc panos hasta yaya amechmictis huan ayecmo huelis anitztose ipan nopa tali sintia amo anquitoquilise.¹⁶ Huajca sinta anquixpanose nopa camanali cati TOTECO Dios quichijqui amohuaya huan cati amechnahuatljtoc huan anquinhueyichihuase teteyome o anmotancaquetzase iniixpa, TOTECO nelía cualanis ica amojuanti. Huan yaya amechmictis huan nimantzi amechtamipolihuiltis ipan ni tali cati amechmacatoc."

Toteco quiompahui nopa camanal sencahuali ica israelitame

24 Teipa Josué quinsentili nochí israelitame ten nochí huejhueyi familias ipan altepet Siquem, ica nochí huehue tacame, nochí tayacanani, jueces huan tequichihuani. Huan nochí monextito iixpa Toteco Dios.² Huan Josué quincamanalhui nopa israelitame huan quinilhui:

—Ya ni cati TOTECO Dios cati tiisraelitame tijtequipanohuaj amechilhuía: 'Nelía huecajquiya amohuejcapán tatahua

mocahuayayaj nopena ipan seyoc inaliyo hueyat Eufrates para campa quisa tonati, huan quinhueyichihuayayaj teteyome quej elisquía Dios. Huan Taré, cati elqui itata Abraham huan Nacor, nojquiya ya nopena quichijqui. ³Pero na njitapejpeni amohuejcapan tata Abraham cati itztoya ipan seyoc inaliyo hueyat Eufrates, huan nijiyacanqui campa hueli ipan tali Canaán huan nijmacac icona, Isaac, para ipan ya niquinmiyaquilis iteipan ixhuihua. ⁴Huan nijmacac Isaac ome iconehua, Jacob huan Esaú. Huan nijmactili Esaú nopena tali Seir. Huan Jacob cati nojquiya itoca Israel, huan itelpocahua cati elque amohuejcapan tatahua teipa yajque ipan tali Egipto. ⁵Teipa niquintitanqui Moisés huan Aarón huan ica injuanti, niquintitanili miyac taohuijcayot nopena tali Egipto ehuani. Huan teipa niquinquixti ⁶amohuejcapan tatahua ten tali Egipto. Huan niquinhuasicac hasta ajsitoj campa nopena Hueyi At Chichiltic. Huan quintoquiliyyayaj nopena egiptome ica inintatehuijca carros huan inincahuayojhua. ⁷Pero amohuejcapan tatahua techtzajtzilijque niinintECO para ma niquinpalehui. Huan njichijqui ma onca se tzintayohuilot tatajco ten campa amotatahua huan nopena egiptome. Huan njichijqui nopena hueyi at ma huala ininpani nopena egiptome huan quintamitzajqui. Huan anquimatiq nochí cati niquinchihuili nopena Egipto ehuani.

“Huan teipa para miyac xihuit anitztoj ipan nopena huactoc tali campa amo te-no onca. ⁸Huan teipa nimechhualicac hasta inintal nopena amoreos cati itztoyaj ipan nopena seyoc inaliyo Jordán para campa quisa tonati. Huan injuanti amechtehuijque, pero na nimechpalehui xiquintanica. Niquintontamilti amoixpa huan annoaxcatijque nopena tali. ⁹Huan quema Balac, icona Zipor cati elqui inintanahuatijca moabitame, pejqui amechtehuisnequi an-israelitame; yaya tanahuati ma quinotzatij Balaam, icona Beor, para ma amechtelchihua. ¹⁰Pero amo njicajqui ma amechtelchihuaqui Balaam. Nijchihualti ma amechtiochihua miyac hueltas huan quej nopena nimechmanahui ten Balaam.

¹¹“Teipa anpancoj hueyat Jordán para ni seyoc hueyanali huan anajsique altepet Jericó. Huan nopena Jericó ehuani amechtehuijque huan nojquiya amechtehuijque nopena amoreos, ferezeos, cananeos, heteos, gergeseos, heveos huan jebuseos, pero na nimechmactili amomaco. ¹²Huan niquintitanqui miyac cuaxicojme ma amechyacantiyaca huan quinquixtijque nopena ome tana-huatiani ten amoreos ihuaya inimasehualhua. Na nimechtanili amocualancaitacahua. Amo anquintanque ica amomacheta huan amochicahualis. ¹³Huan nimechmactili tali ipan cati amo antequititoyaj. Nimechmactili altepeme para ipan anitztoe cati amo anquinchijtoyaj. Huan nimechmactili xocomeca mili xocomeca at huan olivo cuame para amoaceite cati ama anquitequi-huiaj, pero amo anquintojque.” Quej nopena quijito TOTECO.”

Monequi nochipa tijtequipanose TOTECO

Huajca nojquiya Josué quinilhui:

¹⁴—Huajca ama xijtepanitaca huan xiquicnlica TOTECO. Xijtequipanoca ica nochí amoyolo huan ica temachili. Xiquinquixtica huan xiquinmajcahuaca nochí nopena teteyome cati amohuejcapan tatahua quihueyitepanitaque ipan seyoc inaliyo Eufrates huan ipan tali Egipto. San TOTECO xijtequipanoca. ¹⁵Pero sinta amo anquinequij anquitequipanose TOTECO, huajca xijtajpejpenica ama ni tonali ajquia anquitequipanose. ¿Anquinhueyichi-huase nopena teteyome cati amohuejcapan tatahua quintepanitaque huejcajquiya ipan seyoc inaliyo nopena hueyi hueyat o inintaixcopincayohua nopena amoreos campa ama anitztoque? Pero xijmatica ya ni: Na ica nochí nochampoyohua tijtequipanose TOTECO.

¹⁶ Huajca nochí nopena israelitame tnanquilijque:

—Amo quema timoiyocatalise ten TOTECO. Amo quema tijcahuase huan tijhueyichi-huase seyoc. ¹⁷Elqui yaya TOTECO Dios cati quinquixti tohuejcapan tatahua ipan tali Egipto campa tequipanohuayayaj san tapic. Yaya cati quichijqui miyac huejhueytiotchicahualnescayot para tojuanti. Yaya

cati techmocuitahuijtoc ten tocualancaita-cahua campa hueli tinentoque ipan tohuey ojhui hasta ama. ¹⁸Yaya TOTECO cati quin-quixti toixpa miyac masehualme ipan mi-yac talme. Nojquiya quinquixti nopa amo-reos cati itztoyaj ipan ni tali. Huajca to-juanti nojquiya tijtequipanose huan tijhue-yichihuase san TOTECO Dios.

¹⁹Huajca Josué quinilhui nochí cati noppóna itztoyaj:

—Amo huelis anquitequipanose TOTECO quej hueltzi, pampa yaya tatzejzeloltic. Huan yaya amo quijiyohuía se cati quijito-hua quitequipanohua sinta nojquiya quinte-panita teteyome cati amo nelía Dios. Ya nopa quicualancaita. Sinta anquitepanitaj se-yoc, amo amechtaopoipolhuis. ²⁰TOTECO no-chipa itztoya cuali amohuaya, huajca amo xijcahuaca TOTECO yon amo xijtequipanoca seyoc. Sinta quej nopa anquichihuase, yaya moyolcuepas huan amechtatzacultis hasta amechtamimictis.

²¹Pero nochí nopa masehualme qui-nanquilique Josué:

—¡Amo quema tijchihuase! San TO-TECO tijtequipanose.

²²Huajca Josué quinilhui nochí nopa miyakiq israelitame:

—Huajca ama antestigos para melahuac cati anquijijoque. Anquitestigoj-quetztoque TOTECO para anquitapejpenij-toque anquitequipanose san ya.

—Tojuanti titestigos —injuanti tanan-quilique.

²³Huajca Josué quinilhui:

—Sinta anquinpiyaj teteyome, nochí xiquinmajcahuaca. Huan ximoyolcuezpaca huan xijtoquilica san TOTECO Dios cati ti-israelitame tijtequipanohuaj.

²⁴Huan nochí nopa israelitame qui-nanquilique Josué:

—San TOTECO Dios tijtequipanose huan san yaya tijneltoquilise.

²⁵Huajca nopa tonali nepa nechca alte-pet Siquem, Josué quichijqui se camanal sencahualli inihuaya israelitame huan TO-TECO, huan quinilhui nopa tanahuatilme huan tamachtili cati monequi quineltoca-se. ²⁶Huan Josué quijcuilo nochí ni tanahuatilme cati nopa masehualme quijijo-

que quineltocase ten nopa Amatapohuali ten Itanahuatilhua Toteco Dios. Huan Josué tanahuati ma quihualicaca se hueyi tet huan ma quiquetzaca noppóna campa nopa ahuat nechca iyoyon tiopa TOTECO. ²⁷Huan Josué quinilhui nochí nopa israel-itame:

—Ni tet cati tijquetzaj nica quinextis nochí cati panotoc ama. Quej se testigo quichi-hua, quicajqui nochí camanalí cati TOTECO techilhui, huajca sinta amo anquichihuaj quej anquijijoque, yaya amechtatelhuis.

²⁸Huan teipa Josué quinnahuatijtejqui nopa israelitame huan sesen yajqui ipan ital cati quiselijtoyaj para iniaxca.

Mijqui Josué

(Jue. 2:6-10)

²⁹Huan teipa mijqui Josué, icono Nun, cati eliyaya iteequipanojca TOTECO. Huan quipixqui 110 xihuit quema mijqui.

³⁰Huan quitojque itacayo nechca altepet Timnat Sera, ipan ten ya ital cati quiselij-toya ipan nopa tepeyo cati eliyaya iniaxca iteipan ixhuihua Efraín. Campa quitojque mocahua ica norte ten tepet Gaas.

³¹Huan nopa israelitame quitequipa-nojque TOTECO nochí tonali quema noja itztoya Josué huan quema noja itztoyaj nochí nopa huehue tacame cati quiixmat-que Josué huan quitztoyaj nopa huejhue-yi tiochicahualnescayot cati TOTECO qui-chijqui para nopa israelitame.

Quitalpachojque iomiyo José

³²Huan nojquiya nopa israelitame qui-hualicatojaj iomiyo José ten tali Egipto, huan quitojque noppóna nechca Siquem. Quitojque ipan nopa tali cati inihuejcapan tata Jacob, cati huecjajquiya mijqui, quin-cohuilijtoya iconehua Hamor ica 100 pla-ta tomi. (Ni tali teipa elqui iniaxca iteipan ixhuihua José.)

Mijqui nopa totajtzi Eleazar

³³Huan nojquiya mijqui Eleazar cati el-qui icono Aarón, huan quitojque nechca altepet Guebáa ipan ital Finees cati eliyaya icone. Huan ital elqui ipan nopa tachiquil-me cati quiselijque iteipan ixhuihua Efraín.